

تورکيا

قانون مجلیسین

ضبط ساجی

یتش اوچنجی اجماع

۲۴ کانون اول ۱۳۳۹ بازار ايرتسی

مندرجات

صفحه	صفحه
۴۴۸	۱ — ضبط ساجی خبر مدسی
۴۴۹	۲ — اورا وارده:
	تکلیفلر
۴۴۹	۱ — شرعیه و صحیه و کالتلی طرفندن اداره اولنان بالعموم مدارس و کتابک معارف و کالتنه دور اولنسنه دائر ادغنی مبعوثی کاظم وهی بکک تکلیف قانونیسی
۴۴۹	۲ — قانون جزانک ۱۹۷ نجی ماده سیله ۲۰۰ نجی ماده سنک برنجی ذیلنک و ۲۰۱ نجی ماده سیله ذیلنک تعدیلنه دائر بوزاق مبعوثی احمد جدی بکک تکلیف قانونیسی
۴۴۹	۳ — معلمین و طلبه نک عسکر لکدن تأجیللری حقدنه کی قانونه اوچ ماده علاوه سنه دائر قونیه مبعوثی نعیم حازم افندی و رفقا سنک تکلیف قانونیسی
	مضبطلر
۴۴۹	۴ — متقاعد بیکیباشی عزت افندی نک $\frac{۳}{۴}$ نومرولی استمداسنه مدافعه ملیه انجمنی مضبطه سی
۴۵۰	۵ — قانون جزانک ۱۹۷-۲۰۱ نجی ماده لرینک تعدیلنه دائر لازستان مبعوثی اکرم بکک $\frac{۳}{۴}$ نومرولی تکلیف قانونیسنک شایان مذاکره اولدیلنه دائر لایحه انجمنی مضبطه سی
۴۵۰	۶ — مجادله ملیه به اشتراک ایتمه بن منسوبین عسکر به حقدنه کی قانونه بر ماده مدیله علاوه سنه دائر ایزمیت مبعوثی صفوت بک و رفقا سنک $\frac{۲}{۳}$ نومرولی تکلیف قانونیسنک شایان مذاکره اولدیلنه دائر لایحه انجمنی مضبطه سی
۴۷۸، ۴۵۰	۷ — استقلال محاکمی قانونک بشنجی ماده سنک تعدیلنه دائر ارضروم مبعوثی جازم افندی و رفقا سنک $\frac{۳}{۴}$ نومرولی تکلیف قانونیسنک شایان مذاکره اولدیلنه دائر لایحه انجمنی مضبطه سی
۴۷۶	۸ — مأمورین ملکیه نک تقاعدینه دائر اولان قانون ایله عسکر تقاعد واستعفا قانوننده محرر جزو دان بدلاتنک تعدیلی حقدنه $\frac{۱}{۸}$ نومرولی لایحه قانونیه وقوانین و موازنه مالیه انجمنلری مضبطه لری
	تقریرلر
۳۷۶	۹ — موندروس متارک سنی متعاقب ازمیزدن استانبوله حرکت ایدن سزای نور و ابورینک طاقتنی حکومت رسما اعلان ایتمه دیکندن مغروقین وارنلرینک حقوق شرعیه و قانونیه لرندن استفاده ایده مه مکده اولدیلرینه و کیفیتک تحقیر و اعلانی تمیاضنه دائر قره سی مبعوثی احمد ثریا بک و رفقا سنک تقریری

۱۰ - فراری و بقایا و نفوس مکتومه اربابنک
عقوی حقیقده کی ۱۸ تشرین اول ۳۹ تاریخ
قانونک برنجی ماده سنک تفسیرینه دائر بوز اوق
مبعوثی احمد حمدی بکک تقریری

۱۱ - داخله انجمننده بولنان (کوی اداره سی
قانونی) تکلیفیه بو دفعه حکومتدن کن (کوی
قانونی) لایحه سنک توحیداً مذاکره سی تمیاتیته
دائرز و نفولداق مبعوثی طونه لی حللی بکک تقریری
دیوان ریاست قرارلی

۱۲ - اعضای گرامدن بعض ذراته مأذونیت
اعطاسی و مدت مأذونیتلرینی تجاوازا بید برنلرک
معامله محسوبیه لری بکک اجراسی حقیقده دیوان ریاست
قرارلی

سؤالر ، جوابلر

۱۳ - نافه و کیلی مختار بکک آتی ده محرر سؤالره جوابی:

۴۷۸

آ - العزیز - ارزنجان طریقله برنک کو بریسی

حقیقده درسم مبعوثی فریدون فیکری بکک سؤالی

ب - موش - خنس آره سنده کی کو بری ایله

موش - ارضروم ، موش - دیار بکر آره سنده کی

شوسه لر حقیقده موش مبعوثی عثمان فدیری بکک سؤالی

ج - استانبولده صو ، الکتریک ، تله فون ،

تراموای شرکاتلرینه دائر نیکده مبعوثی ابوبکر

حازم بکک سؤالی

۱۴ - دردست ایديلن چتارک مقدارینه دائر

۴۷۸

ز. نفولداق مبعوثی خلیل بکک سؤالنه داخله

و کیلی فرید بکک جوابی

برنجی جلسه

برأ مذاکرات

دقیقه ساعت

۱ ۴۲

[رئیس - برنجی رئیس و کیلی صبری بک افندی]

کانبلر : کمال بک (آطنه) ، حق بک (وان)

۱ - ضبط سابقه فیه صهسی :

رئیس - جلسه نی آجیورم ؛ ضبط سابق خلاصه سی اوقونه حق :

۲۲ کانون اول ۳۳۹ جمعه ایرتسی

برنجی جلسه

فیحی بک افندی بکک تحت ریاستلرنده انعقاد ایدرک

ضبط سابق خلاصه سی قرائت و عیناً قبول اولوندی .

اوراق وارده دن ح. الهیه تابع اولانلر حقیقده حواله معامله سی

باپیلدی . زراعت باقه سنک مالیه ده کی مطلوبانک صورت

تسویه سنه و باقه نك شرقی آناتولی و تیموریه لاری بکک انشا

و ایشتملسی مقصدیه تشکیلی مقرر تورك آنونیم شرکته

مؤسس صفتیه لزوم اشتراکته دائر سابق جانیک مبعوثی

شکری بکک تکلیف قانونی سنک ردینه دائر اقتصاد

و نافه انجمنلری مضطهلری قرائت و قبول ایدلدی .

جمعه تعطیللری حقیقده گوشخانه مبعوثی ذکی بککه

شکری قبا بک وردفا سنک تکلیف قانونیلرینه دائر اقتصاد

انجمنی مضطه سنک ، عدلیه انجمنک و قوعوبلان طایب

اوزرینه مذکور انجمنه حواله سی و اقتصاد انجمنی مضطه

محرری و استانبول مبعوثی یوسف آچورا بکک واقع

اولان تحریری تکلیفی اوزرینه ده مستعجل روز نامه به ادخالی

قبول ایدلدی . مکلفیت عسکریه قانوننک بشنجی ماده سنک

تعذلی حقیقده کی لایحه قانونیه نك بر دفعه ده موازنه مالیه

انجمنته تودیعنه دائر مدافعه مالیه انجمنی مضطه سی موجبجه

بو قانون لایحه سنک روز نامه نك سسکزنجی نومروسفی

تشکیل ایدن و مکلفیت عسکریه قانوننک ۱۱۸ ، ۱۲۱ مجی

ماده لرینک تعذیلنه متدائر اولان قانون لایحه سیله توحیداً

مذکور انجمنه تودییی قبول ایدلدی .

۳۴۰ سنه سی بودجه سنک کانون ثانی ابته اسنده مذاکره سنه

تکلیف

۱ - شرعی و صحیح و کالتری طرفدن اداره اولونان بالعموم مدارس و مکاتب معارف و کالتنه دور اولونسنه دأر ارغنی مبعوثی کاظم و هبی بک تکلیف قانونیسی ؛ لایحه انجمنه ویرلدی .

۲ - قانون جزانک ۱۹۷ نجی ماده سیله ۲۰۰ نجی ماده سنک برنجی ذیلنک و ۲۰۱ نجی ماده سیله ذیلنک تعدیلنه دأر بوزاق مبعوثی احمد حمدی بک تکلیف قانونیسی لایحه انجمنه حواله ایدیوروز .

۳ - معلمین و طلبه نك عسکر لکدن تأجیللری حقتنه کی قانونه اوج ماده علاوه سنه دأر قونیه مبعوثی نعیم حازم افندی و رفقا سنک تکلیف قانونیسی لایحه انجمنه ویرلدی .

نعیم حازم افندی (قونیه) - تکلیف ابتدیکمز قانون لایحه سی ، مدارس علمیه طلبه سنک تأجیلی حقتنه دره ذاتاً معلملر مؤجلدر .

مضبطلر

رئیس -

۴ - متقاعد بیکباشی عزت افندی نك ۱۱ نومرولو استدعاسنه دأر مدافعه مایه انجمنی مضبطه سی وار ، عرض ایدیوروم .

سایمان سودی بک (بازید) - متقاعد بیکباشی عزت افندی نك مضبطه سی او قوندقدنصرکه موضوع مذاکره اولسی لازمدر .

علی بک (آفیون قره حصار) - مضبطه نك جلسه خفیه ده او قونمسی موافقدر . چونکه : اردرنک سجلرینه تعلق ایدن مسئله دن بحث ایلمشدر . انجمن طبیعی نقطه نظرلری یازمق محبوریتده قالمشدر . بو نقطه نظر دن ، مضبطه نك جلسه خفیه ده او قونمسی عرض ورجا ایدیوروم .

رجب بک (کوتاهی) - بنده کرده ایلك انعقاد ایده جک جلسه خفیه ده بونک مذاکره سی تکلیف ایدیوروم . رئیس - اقدم ! اولیه بر تکلیفده بولونیورلرکه : شمدی بر جلسه خفیه عقد ایلمسون ، ایلك عقد

باشلانه بیلدک ایچون انجمندن چیقان نسخه نك بر آن اول طبع و توزیعنه دأر قره سی مبعوثی و هبی بک تقریری قرائت و موازنه مایه انجمنی نامه رشاد بک طرفندن ویرلن ایضاحات استماع اولندی . بعده ضرب ایدیله جک مسکوکات حقتنه قانون اساسی انجمنی مضبطه سنک مذاکره سنه کچیلدی . و جریان ایدن مذاکره نتیجه سنده مسکوکات اطرافنه قونیلان دفعه دالترینک ملی برشکه ارجاعی ضمننده مضبطه نك انجمنه اعاده سنه دأر بیغامبعوثی ساح رفعت بک طرفندن ویریلان تقریر قبول و مضبطه نظر اعتباره آنان دیکر تقریرلره بر لکده انجمنه اعاده ایدیله رک برای تنفس جلسه تعطیل ایلدی .

ایکنجی جلسه

فتحی بک افندی نك ریاستلریله کشاد ایدیله رک حکاری مبعوثی آصف بک یرینه بشنجی شعبه دن بر اعضا انتخابی حقتنه موازنه مایه انجمنی ریاستنک تذکره سی قرائت و جریان ایدن مذاکره نتیجه سنده بر اعضا انتخابی قرار گیر اوله رق تذکره مذکور شعبه یه حواله اولندی . بعده عفو عمومی حقتنه کی لایحه قانونیه نك ماده لری اوزرنده کی مذاکره کچیلدی . قانون لایحه سنک انجمندن تعدیلاً کلن برنجی ماده سی ، بو عفودن استثناسی تکلیف ایدییلن جزائمک او چنجی ماده ده تثبیتی تقریر ایتدنن سوکره عیناً قبول ایلدیکی کی انجمنک ایکنجی ماده اوله رق تدوین ایتدیکی ماده دخی عیناً قبول اولندی و بازار ایرتسی کونی اجتماع ایلمک اوزره جلسه یه نهایت ویرلدی .

سؤال

ارغنی باقیر معدنلرینک وضعیتنه دأر ارغنی مبعوثی کاظم و هبی بک اقتصاد و کالتندن شفاهی سؤال تقریری مذکور و کالتنه حواله ایلمشدر .

رئیس - اقدم ! ضبط سابق حقتنه بر مطالعه درمیان بویورمق ایسته یین وارمی ؟ اقدم ضبط سابق قبول اولوندی .

۲ - اوراق وارده :

رئیس - اوراق وارده یی هیئت محترمه کزه عرض ایدیوروم .

اعضا	اعضا	اعضا
مردین	دکزی	بوزاق
درویش	یوسف	سایمان سری

اعضا

قره سی
نظامنامه داخلیده مصرح اولدینی وجهه
لایحه انجمنک درجه صلاحیتنه
وتقریرده مندرج اسبابه نظراً انجمن
عائدینه حواله وتودیع صورتیه مسئله تک
شایان مذاکره اولدینی رأیندهم .

عہان نیازی

لایحہ انجمنی رئیس امین بک (توقاد) — رئیس
بک افندی ! انجمن نامنه ایضاحات ویرہم . چونکہ
مخالفت وارد رہ آرقداشیر ! استقلال محاکمی قانونک
بشنجی مادہ سنک تعدیلی تکلیفی متضمن اولہرق اضروم
مبعوث محترمی ، رفقہ مزدن جازم بک و دیگر محترم رفقاسی
طرفندن وقوع بولار تکلیف قانونی ، لایحہ انجمنزجہ
مذاکرہ ایدلدی ونتیجہ مذاکرہ شایان مذاکرہ کورلمہدی
ونظامنامہ داخلی احکامنہ توفیقاً اولیابدہ کی مضبطہ وغایت
مختصر بر صورتہ تنظیم ایدلمش اولدیغندن مساعده کزہ
اغتراراً بعض ایضاحات ویرمک ایستیورم . اول امرده
تکلیف مہیتی شودر .

رئیس — رجا ایدرم انندم دیکلنہلم !

امین بک (دواملہ) — استقلال محکمہ لرینک ،
استقلال محاکمی قانونک بشنجی مادہ سی بروجہ اتی
تعدیل اولومشدر . شولہکہ : استقلال محکمہ لرینک
مجازات تہیبیہی متضمن اولان حکملری ، بویوک ملت
مجلسی ہیئت عمومیہ سنک ومجازات تادیبیہی متضمن اولان
حکملری ؛ عدلیہ انجمنک تصدیقیلہ کسب قطعیت ایدر
صورتندہ . معلوم احسانکز بوتکلیف قانونک استہداف
ایتدیگی غایہ ، استقلال محاکمندن صدور ایتمش بالجلہ مقررانک
شو تکلیفی شکلند . اولہرق درجہ ثانیہ دہ مجلس عالیکزجہ
تدقیقہ تابع طوتولس سنک موافق معدلت اولسی لزومنی
اشرابدن عبارتندر . معلوم احسانکز اوت بو کون بو
محکمہ لرک الحاذ ایتمش اولدقلری قرارلرک ہر حالده درجہ
ثانیہ دہ مجلس عالیکزک نظر تصویبندن کچمش اولسی موجود
اولان احکام قانونیہ دہ مصرح اولدینی کی مجلس عالیکنک
اوتہ دنبری قانون مہیتندہ بولونان تعاملی ایلہ دہ مؤیددر .

ایدیلہ جک اجتماع خفیدہ مذاکرہ سنہ دوام اولونسون .
بوکون مذاکرہ ایدلسون دیہ قبول ایدنلر اللری
لطفماً قالدیر سینلر ! عکسی رأیدہ بولونانلر دہ لطفماً
اللری قالدیر سینلر ! رجب بک تکلیفی قبول اولوندی اقدم .

۵ — قانون جزانک ۱۹۷-۲۰۱ نجی مادہ لرینک تعدیلنہ
دائرلازستان : معوثی اکرم بک ۳۳۳ نومرولو تکلیف قانونیسنک
شایان مذاکرہ اولدیغہ دائر لایحہ انجمنہ مضبطہ سی
عدلیہ انجمنہ کوندر بیورز .

۶ — مجادلہ ملیہ بہ اشتراک اتمہ بن منسو بین عسکر بہ
حقتندہ کی قانونہ برمادہ مذللہ علاوہ سنہ دائر ایزمیت
مبعوثی صفوت بک و رفقاسنک ۳۳۳ نومرولو تکلیف قانونیسنک
شایان مذاکرہ اولدیغہ دائر لایحہ انجمنی مضبطہ سی ،
عائدی اعتباریلہ مدافعہ ملیہ انجمنہ حوالہ اولوندی .

۷ — استقلال محاکمی قانونک بشنجی مادہ سنک
تعدیلنہ دائر اضروم مبعوثی جازم افندی و رفقاسنک
۳۳۳ نومرولو تکلیف قانونیسنک شایان مذاکرہ
اولمادیغہ دائر لایحہ انجمنی مضبطہ سی رأی عالیکزہ عرض
ایدہ حکم :

ریاست جلیلیہ

استقلال محاکم قانونک بشنجی مادہ سنک تعدیلنہ
دائر اضروم مبعوثی جازم افندی و رفقاسی طرفندن
ویریلن ۱۲-۱۲-۳۹ تاریخی تکلیف قانونی انجمنزجہ
لدی التدقیق استقلال محاکمندن صادر اولان علی الاطلاق
قرارلرک بویوک ملت مجلسنہ طریق حل و تدقیقی موجود
اولدینی محکمہ مذکورہ قانونک آلتنجی مادہ سی احکامندن
مستبان اولسنہ نظراً تکلیف واقع شایان مذاکرہ
اولمادیغہ اکثریتلہ قرار ویرلمکله ہیئت عمومیہ بہ عرض
وتقدیم اولنور .

۲۲ کانون اول ۳۹

کاتب نامنہ	مضبطہ محرری	لایحہ انجمنی رئیس
دکزی	یوسف	توقاد
		امین

خلیل بک (زونفولداق) - مسئله یوقدر شو حالده
(دوام سسلری)

امین بک (توفاد) دوامه - عرض ایده جکم .
مجلس عالیکنزک معلومیدرکه استقلال محاکمی قانون
مخصوصنک غنوانندن آکلاشیلدینی وجهله ، اشکال عدلیه
خارجنده اولهرق آنجق و آنجق حاکمیت واستقلالیت
ملیه نیک تأمین ومحافظه وترصینی ایچون سریع معاملات
وموثر اجرا ات تأمیننی استمداف غایه سیله تشکیل ایدلمشدر .
آنجق ، بوکافارشی واضع قانون بو محکمه دن صادر اولان
مقرراتی عدالت مطلقه ومنافع اجتماعیه ملاحظه سیله
بعض قیود وشروطه تابع طومتشدر . معلوم احسانکنز ؛
احکام زمانه کوره تبدال ایدر . استقلال محاکمک ایلك
تشکیلی زماننده ، تابع اولدینی قانون موجبجه ، بالجمله
حکملری قطعی ایدی . مجلس عالی نیک نظر تدقیقنه ارغراماز
ایدی . مؤخرأ قانون تعدیل ایدلدی وبناء علیه استقلال
محکملری مقرراته ، قیودانه وشروطانه تابع طوتولدی .
شمعی استقلال محکمه لرینک اتخاذ ایش اولدینی مقرراتدن
اعدام قرارلری حقننده کی حکملرک ، هیئت جلیله کزک
نظر تدقیقنه نه صورتله کلدیکنی تدقیق ایدلم . استقلال
محکمه لرینک اعدامدن غیری حکملری قطعی اولوب انفاذینه
بالعموم قوای مسلحه وغیر مسلحه دولت مأموردر . اعدام
حکملری بویوک ملت مجلسنجه بالعموم مسأله ترجیحاً
تدقیق وتصدیق قلنور . صوکره اعدام اولونور .
شو قدرکه ؛ مستعجل ومستثنا حال وزمانده
اعدام حکملرینک دخی مجلسجه تصدیق ایدلمکسزین
انفاذینه مجلس قراریله مأذونیت ویرایر . (ویربله بیلیر
سسلری) شو حالده قطعی دکلدر . ذاتاً مجلس عالیکنز
هر درلو قراری ویرمکده مختاردر . بر تقدیر قیدیدر .
اونی آکلارم . شیمدی مجازاتک اک شدیددی واک اغیری
بولنان اعدام جزاسنی که درحال انفاذینه تلافیسی غیر
قابل اولان بر ضرر تولید ایدیور وختی احکام شرعیه من
بیله اوافق بر شبهه اوزرینه مسأله شرعیه ده بولنیور ،
ایشته بو قانون بو اساسی محافظه ایتمک صورتیله ویریلن
حکملرده کی اصابتک مجلس عالیکنزجه درجه ثانیه ده

تدقیق ، تقدیر وتصدیق ایدلمسی ایچون بر طریق احداث
ایتمشدر . دیمک اولیورکه ؛ اعدام قرارلری هر حالده
مجلسک نظر تدقیق وتصویبندن کچمکدر . شو قدرکه
احوال مستعجله اولورسه که مستعجل احوالی ضرورتلر
تولید ایدر و او ضرورتک وجود وعدم وجودی ،
مجلس عالیکنز تقدیر ایدر او قرارلرک مجلس عالیکنز
مجلسک نظر تدقیقندن کچمه سنه حاجت کورمیه ریک در حال
انفاذینه مأذونیت ویررسه او حکم مجلسکسزین کچمکسزین
انفاذ اولنور . او حالده ایکی قیده تابعدر ؛ بریمی احوال
مستعجله ده مطلق در . (اعدام موضوع بحثدر سسلری)
مساعده بیوریکز عرض ایدیم . (دوام سسلری)
اصل مسئله نیک روحی ، استقلال محکمه سی مقرراتنک
ایکنجی درجه ده مجلسدن کچمسی در . مقرراتک بریمی
اعدام - آغیر حکم حقننده کی احکام - معلوم احسانکنز
بشنجی ماده ده دیورکه ؛ اعدام قرارلردن بشقه ویردیکی
حکملر قطعی در . قطعی در دیمک ، لایتغیر وغیر قابل اصلاحدر
دیمک کلدر . آلتنجی ماده سننده ایسه (استقلال محکمه لری قرارلر
ینه بو محکمه مدعی عمومیسنک حق اعتراضی واردر . مدت
اعتراض یوم تفهیمک فرداسندن اعتباراً اوج کوندر
واعترض واقع بویوک ملت مجلسنجه قطعاً حل اولنور)
شو حالده اعدام قرارلری حقننده کی احکامی عرض ایتدم -
اعدامدن غیری حریت شخصییه یی تفتید ایدن مقررات
هر نه شکل وصورتده اولورسه اولسون وهر نه ماهیتده
بولنورسه بولسون مجلس عالیکنز او محکمه ده صرف احکام
قانونیه نیک حسن جریاننی تأمین ایتمک وهیچ بریرلسزلنک
حدوشنه میدان ومحل ویرمه نیک ایچون صرف بر مراقبه
وظیفه سنی ایفا ایتمک اوزره کوندلش اولان بر محکمه نیک
مدعی عمومیسنه ویردیکی بر صلاحیتله اعدام قرارلردن
غیری اولان مقرراتی بو طریق ایله مجلسده ایکنجی درجه
تدقیق ایش اولور . شو قدرکه معلوم احسانکنز ، مدعی
عمومیملرک جمله وظائفندن بریمی ده ، اشیو ماده نیک اشارت
ایندیکی وجهله ، کندیسنک رأی وقناعتنه موافق کورمیدیکی
بالجمله مقرراتی اسباب موجب درجه مجلس عالیکنز
کوندره جک واک موافق کوریرسه رأینی ویرر . شو

مساعده بيوربکيز . استناد ايتديککيز آلتنجی ماده : مدعی عمومینک اعتراضیه مجلسه کله بیلیر . مدعی عمومی اعتراض ایتدیکی تقدیرده مجلسک عفودن بشقه بر یولی وارمیدر ؟

امین بک (توقاد) — شمعی عرض ایدهیم . برشیدن مقصد نه ایسه حکم آکا کوره در . بوتکلیف قانونیده استهداق ایدیلان مقصد و غایه ندر ؟ استقلال محکمه سندن صادر اولان قرارلرک ، حکملرک ایکنجی درجهده مجلس عالینک نظرندن کچمسی در . ایشه بوکی مقررآتک مجلس عالینک نظرندن کچمسی ایچون طریق موجوددر . طریق موجود اولسنه قارشی بز زمین وزمانی نظر اعتباره آلهرق استقلال محکمه لرینک تشکیلنده کی غایه ایله هر هانکی بر تکلیفی تألیف ایده بک . مجلس عالیکزه کوندرک ، ایستدیککیز کی تدقیق ایدرسکیز ، مذاکره ایدرسکیز ، بناءً علیه موافقدر دیرسکیز . یاخود دکلدر ، دیرسکیز . مجلس حکمی ویر .

خلیل بک (زونفولداق) — مخالف قالان عثمان افندی بی دیکله یلم .

اسماعیل جانبولت بک (استانبول) — بنده کیز اساسه کیرمه دن اول بر مسئله مستأخره دن بحث ایده حکم . بونی بر مسئله سیاسی اولهرق دکل ، بر مسئله حقوقیه ، علمیه اولهرق موضوع بحث ایدیورم . زم شکل دولترزه کوره مملکتی اداره ایدن هیئت کیمدر ؟ تشکیلات اساسیه قانونمیزک دردنجی ماده معدله سی شویله دییور : (تورکیا دولتی تورکیا بویوک ملت مجلسی طرفندن اداره اولنور .) شمعی بومهم نقطه یی تمییت ایتدکدن صوکره کله لم استقلال محاکمی قانوننه : اون آلتنجی ماده یی اوقویه لم ؛ (اشبو قانون بویوک ملت مجلسی طرفندن اجرا اولنور .) بوماده غایت صریح اولدینکی قانونک مواد سائره سی ده محکمه هیئتک آیده بر خلاصه مساعیسی و خلاصه حکمی بویوک ملت مجلسنه بیلدیرمسنی ایجاب ایتدیر بیور . بونلر وسائر خصوصات وبا خصوص استقلال محکمه سی اعضاسنک دوغریدن دوغری به بویوک ملت مجلسی اعضاسی میانندن و بویوک ملت مجلسی طرفندن انخاب اولنسی کوسترییورکه بو

حاله رأینیه موافق کلیرده قانونک کندیسنه بخش اتمش اولدینکی شو صلاحیتی استعمال اتمزه عیبا مجلس عالیکیز اوکی مقررآتک تدقیقندن خالی دییکدر ؟ خایر ! معلوم احسانکیز اوتهدنبری مجلس عالیکیزک اتخاذایتدیکی بر اصول و تعامل واردرکه او اصول . ارتعامل قانون ماهیتنده در .

نه در ؟ اطلاع مسئله سیدر . البته مجلس عالیکیز اشکال مختلفه ده اوکی مقررآتده بر یواسزاق اولوب اولدیغنه کسب اطلاع ایده بیلیرسکیز . هر کسک حقوق مکتسبه سندن و حقوق اساسیه سندن اولهرق بر حق مراجعتی واردر . علمینده هر هانکی شکلده اولورسه اولسون صادر اولان بر حکمه قناعت ایتن بر کیمسه ایچون عدالتی مسلم اولان شو مجلس عالی به مراجعت ایتک حق محفوظدر و بناءً علیه مجلس عالیکیز ایجاب ایدن اوزاقی جلب ایدرک تدقیق ایلر . و مخالف قانون کوریرسه امثالی وجهله ردایدر .

فریدون فکری بک (درسم) — چوق ایی ، چوق ایی .

امین بک (توقاد) دوامله — شو حالده اصل تکلیفک استهداف ایتدیکی غایه ، درجه نایه دن بالجمله مقررآتک مجلسدن تدقیق و امراری ایدی . مادام که الیزده بو مقصد و غایه یی تأمین ایده حک احکام و اصول واردر . انجمنمز بونی تدقیق ایدرکن بو استقلال محکمه لرینک قدرت تأثیریه و حکمت تشکیلیه سیله قابل تألیف کورمیدیکندن شایان مذاکره اولدیغنه قرار ویرمش و او صورتله مجلس عالیکیزه سوق ایتشدر . مع مافیله حکم مجلس عالیکیزک در . ایسته دیککیز کی قرار ویره بیلیرسکیز .

ثابت بک (ارزنجان) — ذات عالیکیز مجلسک بو حکملری کآن لم یکن عد ایده بیله جکمی و بوکا صلاحیتی اولدینکی ...

امین بک (توقاد) — خایر دکل ، صراحت قانونیه واردر .

ثابت بک (ارزنجان) دوامله — مساعده بیوربکیز افندم ، سؤالی ا کمال ایدهیم . یکرمی بش امضالی بر تقریری انجمنک درت اعضا ایله زد ایتسی اسبابی بو صورتله (کورولتور) ...

قانون تمامیه بویوک ملت مجلسه تأدیبر قانوندر. اجراسی ده اوکاتاد، تطبیقاتی ده و سائره سی ده. حالبوکه تطبیقاتده کوریورز که بونک عکسی واقع اولیور. واقعا اجرا وکیللری هیئتک استقلال محکمه سنک بریده تشکیله لزوم کوسترمسی قانونده کوسترلشدنر و بو صلاحیتی قانونده مصرحدر و اوصورتله بومعامله یابیلیمشدنر. فقط بزمثلا یکریمی باش آرقداش بوقانونک تعدیلنی تکلیف ایدیورز. تکلیفمز لایحه انجمنه ویریور. لایحه انجمنه باش وکیل پاشا کلیور. حکومت نامنه بیانانده بوانیور. بالنتیجه لایحه انجمنی زم تکلیفمزک شایان مذاکره اولمادیغنه قرار ویریور و هیئت عالیکزه سوق ایدیور. ایشته بنده کز شمندی بوکا اعتراض ایدیورم. بردغه بزم شکل دولتمزه کوره دوغریدن دوغری یه بویله مجلسه عاقد اولان بوقانونک تعدیل و مذاکره سی مسئله سنده اجرا وکیللری هیئتک هیچ صفت و صلاحیتی یوقدر. (مبعوث اوله رق سسلری) مبعوث اوله رق واردنر، سویلدم. یالکنز مبعوثلق صفتلری واردنر. حکومت نامنه بیانانده بولومغه حققلری یوقدر. مع مافیله بونی قاله آلامیم. ایسترسه کز (پارلمانتهر) اولان دولتلری قاله آلم. نته کیم بزم استانبولده کی اولکی حکومت مزده بوشکلده ایدی. اوراده بیلله نظامنامه داخلی کی دوغریدن دوغری یه مجلسه عاقد اولان بر مسئله دینه بویله ایدی. بو بشفقه دولتمزده عینا واقعدر. چونکه مجلس کندیسنه عاقد اولان مسئله یی کندیسنی مذاکره ایدر. بشفقه طرفدن هیچ بر صورتله کندیسنه مداخله ایتدیرمز. بکی، عجبا لایحه انجمنه ویریان بر تکلیف قانونیمزه قارشی حکومت بیانانده بوانوب بو ایشه مداخله ایده بیلیری ؟

لایحه انجمنی، هر مجلس مبعوثانده یوقدر. بعض دولتلرک مجلس مبعوثاننده واردنر. بعضیلرینک کندنه یوقدر. فقط لایحه انجمنی موجود اولان مجالس مبعوثانده بیلله پارلمانتهر اولان حکومت مزده زده کی کی قوه اجرائیه و تشریحیه سی بویوک ملت مجلسنک عهده سنده اولسی شکلنی قاله آمیورز. قوه اجرائیه و تشریحیه نک آیری بولندی بی مملکت مزده بیلله ینه حکومت لایحه انجمنه مداخله ایتنر. چونکه لایحه انجمنی مجلسک نظامنامه داخلی انجمنی کی خصوصی بر انجمندر. اوحاضر لایوب کثیر، اوندن صوکره بالطبع حکومته تعلق ایدن بر شی اوله بیلیر. او مملکت مزده لایحه انجمنندن کلدیکی و مجلسک انجمن تأدینه کیتدیکی وقتده ویاخورد مجلس هیئت عمومیه سنده مذاکره ایدلیدیکی وقتده اوکا اشتراک ایدر. فقط اورالرده بیلله اولجه دیدیکم کی - لایحه انجمننده کی مذاکره یه حکومت قاریشار. اونک ایچون بدایتده سوز آلدیغ زمان عرض ایتدیکم وجهله بونی ده بر مسئله سیاسی اوله رق موضوع بحث ایتدیورم. بشفقه بر فکرم یوقدر. فقط ایستدیورم که بزم شکل حکومت مزه کوره شو معامله تثبیت ایدلسون. زیرا بو تعاقب ایده بیلیر و بویله بویوک ملت مجلسی طرفندن اجرا ایدلک اوزره بشفقه قانون واردنر. بوتون شیئی تعطیل، الغا، اجرا و یکیدن وضع وسائر خصوصانده بویوک ملت مجلسی تمامیه مختاردر. بوجهتک تثبیت ایدلسنی اول امرده رجا ایدیورم. اوندن صکره اساس مسئله یه کچیلدیکی وقتده بنده کندی تکلیفی سویلیه جکم.

امین بک (نوقاد) - رئیس بک ! بکا تعلق ایتدیکی ایچون بر شی سویلیه جکم.

راغب بک (کوتاهیه) - مداخله می ایتنم، یوقسه مشاور صفتیله می بولتمشدنر ؟

رئیس - انجمن نامنه می ؟

اسماعیل جانبوات بک (دوامله) - بزم تعبیرم بو، سز کی ده او اولسون. (لایحه انجمنی مداخله یی قبول ایتنر سسلری)

امین بک (دوامله) - طبیی انجمن نامنه سویلیه جکم. محترم آرقداشلر ! جانبوات بک برادر من موضوع مذاکره اولان تکلیف قانونینک لایحه انجمننده مذاکره سی ائناسنده باش وکیل عصمت پاشا حضر نلرینک بولتمسنی بر مداخله ماهیتنده تلتی ایدره رک بوکا قارشی انجمن رئیس بولمقلغم حسینیه سکوت ایتنم اولدیغی تلمیحاً بر نقطه یه

راغب بک (کوتاهیه) - لایحه انجمنی مداخله یی قبول ایتنر. اسماعیل جانبوات بک (دوامله) - بیلیر سزکز که

اختصاص انجمنلرینی ماهیت قانونیه بی بیله تضمین ایدمه من خصوصات ایله اشغال ایتدیرمه مک ایچون درکه؛ لایحه انجمنی نامیله موجود اولان مؤسسه ۳۲۵ تعدیلاننده ده؛ ۳۲۵ دن صو کره اجرا قلنان نظامنامه داخلی تعدیلاننده ده ایفا ایدلشدیر. لایحه انجمننک شایان مذا کره کوروب کورمه سی مسئله سی حقیقه حل ایدلیلیدر. اقدیلر! معلوم عالیکزدر که . . .

یونس نادئ بک (منتشا) — بو مسئله لری صکره حل ایدم .

فریدون فیکری بک (دوامه) — معلوم عالیکزدر که کچنلرده قانون اساسی تعدیلانی مناسبیله . . .

دوتور مصطفی بک (چوروم) — بو مسئله اساسه تعلق ایدر، رجا ایدرم اصل موضوعه . . .

فریدون فیکری بک (دوامه) — رجا ایدرم، حق کلام مقید دکلدر. سویله به حکم. مجلس اعضاسنک حتی بی پایندر. اقدیلر! تکرار عرض ایدیورم، کچنلرده قوانین اساسیه ده . . .

یچی غالب بک (قیرشهر) — نهجه، نهجه مشروطیتجه، شمندی حاکمیت ملیه اساسندن بحث ایدیوروز.

فریدون فیکری بک (دوامه) — اقدم، کسه بیکر! مقصد کز سوز کسره ک خطییک سلامت فیکری اخلال ایسه صوصالم. (کورولنور)

رئیس — رجا ایدرم دیکله یلم، سوز ایستورسه کز ویرهیم.

راغب بک (کوتاهیه) — صلاحیتکیزی حدود دائره سنده صرف ایدرسه کز ده ای اولور.

فریدون فیکری بک (دوامه) — اقدیلر! لایحه انجمننک آرقداشلر مزدن یکریمی بش کشتی طرفندن مؤید کوره کک؛ مؤید کورک جزاسی درجه سننده بر جزانک بلا تمیز اعطاسی اساسی اورته دن قالدیره رق اونک تابع تمیز اولسی و تمیز آجلس عالینک حضورینه کلسی حقتده یکریمی بش اعضانک تکلیفنه شایان مذا کره دکلدر؛ دیسی، بنده کزک شوراده تشریح ایتدیکم لایحه انجمننک

باصدیلر. عرض ایدیم: نظامنامه داخلیمز موجبجه هر هانکی بر انجمن کندیسنه کن لایحه نک تدقیقانی اشناسنده موجب استیضاح کوردیکی بر جهتی؛ علاقه دار اولدینی و بالتدن صور بق حقیدر. بناء علیه لایحه انجمننک بویله بر حقندن ممنوعیتی متضمن بزم المزدده کی تمسک ایتدیکمز نظامنامه داخلیده صراحت یوقدر، بویله اولدینی کی استقلال محاکمی قانوننک برنجی ماده سی نظر دقتکزه عرض ایلرم.

نه دیور؟ (استقلال محکمه لری اجرا وکیللری هیئتجه کوستریله جک لزوم اوزرینه تشکل ایدر.) دیمک که. او هیئت بو کی محاکمک تشکیلاتنده ده متقدماً علاقه دار اولور. (دوغرو سسلری) متقدماً علاقه دار اولان بر هیئت فصل اولورده اوکا تعلق ایدن بر قانونک مذا کره سی اشناسنده نوعما تلمیحی تضمین ایدر؟ (براوو سسلری) بناء علیه بو نقطه دن دخی تقدیرات هیئت جلیله کره عأددر.

علی رضا بک (استانبول) — رئیس بک اقدی! لهده و علمیده اولانلری تصنیف ایتسه کز ده ای اولور.

(مقام ریاسته فتیح بک اقدی کشلردر.)

فریدون فیکری بک (درسم) — اور باول لایحه انجمننک بو دفعه ده موضوع بحث اولان وضعیتتی تدقیق ایتک و مجلس عالینک اهمیت حقوفندن اولان حق تکلیفه تعلق ایدن بر مسئله ده مجلس عالی اعضاسندن هر بریسنک قارشینسه چیقه حق مانعه بی شو صورتله اول باول شو مذا کره دولایسیله رفع ایتک لازم کیور. اقدیلر!

معلوم عالیکزدر که ۹۳ قانون اساسیمزده مبعوثان اعضاسی حق تکلیفه مالک دکلدی. بالآخره مشروطیت اوزرینه مبعوثان اعضاسنه بو حق تکلیف تودیع و تأمین ایدلشدیر. مبعوثان حق تکلیفی بی پایندر؛ بالکز قوانین دولتک هر هانکی بریسنده عینی موجود ایسه و یا خود ماهیت قانونیه بی تضمین ایدمه جک درجه ده ایچنده بر قانون اوزی بولنه میه حق وضعیته ایسه و یا خود نظامانه داخل اوله بیله جک درجه ده بسیط بر شی ایسه اوزمان بو کی خصوصاتی تدقیق ایتک ایچون و مجلس عالینک

فریدون فکری بك (دوامله) - گری آلیورم
 بوکله بی . بریاکشلق دها یامشدر . معلوم عالیکز قانون
 اساسی تعدیلاتی موضوع بحث اولیوردی . اوزمان ده
 لایحه انجمنی ؛ آرقداشلر منظر فندن قانون اساسی تعدیلاتی
 تضمن ایدن بر تکلیف لزوم سزلقنه قرار ویرمشدی .
 چونکه هر هانکی بر مبعوث قانون اساسی احکامه مخالف
 وقانون اساسینک تعدیلی ماهیتنده بر تکلیف در میان
 ایده بیلیر ، بناء علیه ؛ آرقداشلر ؛ بز فکرک نقطه
 مجادله سنی لایحه انجمنی دکلدز . (براوو سسلی) اگر
 اعتراض اولونه حق ایسه بنده کز اوزمان قانون
 اساسی تعدیلاتی مناسبتیه کرسی به چیقوب سوز
 سویله مشدم . فقط بعض آرقداشلر مه نقطه نظری
 سویله مشدم . (سویله مدیکز سسلی) شمدی رجا
 ایدرم ، مرتکز گری رجا ایدرم ، بر نقطه ده ، شومسئله ده
 کورریورسکز که مجلس عالیده ایکی فکر واردر . بنده کز
 تمی ایدیورم که اختصاص انجمنلی بویکی فکری احتوا
 ایدن مسئله بی تعمیق ایدرک ، تدقیق ایدرک ، تتبع ایدرک ،
 بوتون مسئله نک اسباب وعواملی ، بوتون دلائلی تحلیل
 ایدرک ، تعمیق ایدرک مناقشه ومذاکره ایتدکدن صکره
 موضوع بحث ایدلمی لازم کلیر . بونک اصلنه قرار
 ویرمک ایجاب ایدر . یوقسه بر تکلیفک شایان مذاکره
 اولمادیغی در میان ایتمک ، ملت وکیلرینک ، تشکیلات
 اساسیه قانونیه بوملکته سنه لردن بری دوکولن حریت
 قانلرینک محصله سی اوله رق نائل اولدقلری حق تکلیفلرینی
 نقید ایتمک مناسنه در .

یحی غالب بك (قیرشهر) - نظامنامه داخلیدن
 قالدیر .

طونلی حللی بك (زونفولداق) - لایحه انجمنی
 لغو ایدک .

فریدون فکری بك درسم (دوامله) - افندیلر!
 مسئله نک اساسنه کلنجه ؛ معلوم عالیکز لایحه انجمنی رئیس
 بك افندیکن خلاصه تاریخچه سنی یامش اولدیغی اوزره
 استقلال محاکمی قانونی مختلف تعدیلاته معروض قالمشدر .
 کندیلری ده تسام و تصدیق بویورریورلر که استقلال محکمه لرینک

اول باول موضوع بحث اولسنک مرتبه اصابتی کوستر بر .
 (براوو سسلی) افندیلر ! استقلال محکمه سی دیمک ملت
 مجلسی دیمکدر . یکریمی بش وکیل بر ماده نک شایان مذاکره
 اولدیغی و قوانین دولتدن اولیابده کی قانونک تعدیلتی در میان
 ایدرسه ؛ بونک قارشوسنده شایان مذاکره دکلدز دیمک
 او یکریمی بش مبعوثک شخصیت معنویه سنی و وضعیت
 حقوقیه سنی نظر اعتباره آلاماق دیمکدر . (براوو سسلی)
 (کورولتور) ؛ مساعده بویوریکز ؛ رجا ایدرم .
 بر مبعوثک . . .

طونلی حللی بك (زونفولداق) - یکریمی بش
 قارشوسنده بن تک او قدر بویوکم .

فریدون فکری بك (دوامله) - آرقداشلر ! حللی
 بك مطالعه سی بك دوغریدر . بر مبعوثک اهمیتی نه قدر
 چوق ایسه ، یکریمی بش مبعوثک قیمت معنویه سی نه
 قدر عالی ایسه بر مجلسک قیمت معنویه سی ده او قدر
 عالی در . فقط افندیلر ؛ رجا ایدرم ، موضوع بحث اولان
 نقطه شایان مذاکره اولوب اولماق قضیه سیدر . وطن
 حضورنده مسئول اولان و یکریمی بش دائرة انتخابیه یی
 تمثیل ایدن ومملکتک مختلف نقاطنه منسوب بولنان یکریمی
 بش مبعوث طرفندن ویریلن بو تکلیف شایان مذاکره
 دکل ، شایان مذاکره در و بز بونک قوانین دولته علاوه سنی
 طلب ایدیورز دیرلرسه اونک نظر اعتباره آلاماسی قدر
 سقیم و خطا آلود برشی تصور اولنه ماز . (کورولتور)
 افندیلر ! سوزومی کسمه ییکز ؛ بوکون تورکیا بویوک
 ملت مجلسنک شو کرسی حریت کرسی سیدر . هر کسک
 حق کلامنه حرمت ایدیکز . سزک فیکریکزه معارض
 اولانلرکده مطالعه سنی دیکله مک لطفنده بولنیکز !
 (کورولتور)

افندیلر ! لایحه انجمنی هیچ بوجهله شایان مذاکره
 دکلدز دیمک حقنه مالک دکلدز . افندیلر ! اول باول
 بنده کزک نظر مده حل اولنه حق مسئله بودر . نه کیم
 کچلرده لایحه انجمنی بویله بر خطا دها ارتکاب ایتمشدر .
 (خطا بوقدر ، گری به آل سسلی)
 رئیس - خطا کله سنی تصریح ایدیکز !

حقنده ، حاكك فذاعتى او زرنده قاهره دنيا ده مثلى
 كوروله ين بر وضعيتى ، صلح اعلان ايدل كدن سوكره
 مملكتنده اختلال دورينه ختام ويريله رك تجدد دورينك
 باشلا ديني ، خلق فرقهسى پروغرامنك برنجى ماده سيله
 جهان اعلان ايدل كدن سوكره ادامه ايتك دوغرى ميدير؟
 (كورولتيلر)

رئيس ... رجا ايدرم افنديلر ! سكو قوتى اخلال
 ايتمه يكز .

رشدى پاشا (ارضروم) - رئيس بك ! كورولتويى
 كيسكز اوندن سوكره ...

فريدون فكري بك (درسم) - آرقداشلر !
 ايستنه ين شى نه در . بزدن ايستنه ين شى ؛ سزك محترم
 وجدانلر يكزك نتيجده حاكم اولماسى در . سزدن سزك
 وجدانلر يكزى ايسته يوز ، افنديلر .

رشدى پاشا (ارضروم) - براوو .

فريدون فكري بك (دوامله) - سزدن ايسته ديكمز
 شى ، مجلس هاليكزك حقوقى آلوده باشقهرينه و برمكى در؟
 بالعكس ، افنديلر ! مجلس هاليكز نامه خطيئات ياپيليرسه
 او خطالرك تصحيحى ايجون عدالتك كنيش پنجره سنى
 آچقدرد ، (براوو سسلرى) بزبوى ايسته يوز . بونك
 اوزرنده اصرار ايتك ، آرقداشلر مزدن بويوك بر قسمنى
 بوقدر بويوك برهيجانه سوق ايدن بويله بسيط بر قكلينى
 عدليه انجمنك تدقيقنه بيله لايق كورمه مك سزاي
 انصافيدر (براوو سسلرى) آرقداشلر ! رجا ايدرم ،
 انصافكزى نياز ايدرم ، بوقاپوي قابامايكز . مؤيد
 كورهك ، مؤيد نفي ، مؤيد قله بندلك و برطاقم آغير ،
 آغير جز الرله برانسلك هر هانسكى بر فكر خطا سندن
 هر هانسكى بر فعلدن ، بر اجتهاددن دولاي سنه لرحه
 ايكله نه حك ، محكوم ايدم حك ، سنه لرحه تضيق آنتده
 بولنديره حق برقرارك لطفأ نظر مرحمته آلهرق تدقيق
 قابوسنى قابامه ييكز ، آرقداشلر ! بونى سزدن رجا ايديرورم
 افنديلر ! بونى رد ايتسه كز بيله هيچ اولمازسه لطفأ
 بر درجه تدفين مراسمنه تابع طوتك . سزبونك برنجى
 درجه ده بيله تدفين مراسمنه تابع طوتولماسنه راضى

اعدامدن غيرى حكملرى دخى مجلس هالى به نله بيلميدر . چونكه
 خطيئات امكانى اولديغى كنديلرى ده اساس اعتباريله
 قبول بويورديلر . و ديديلر كه مجلس هالى ، اطلاع صورتيه
 بوكي خصوصاتى موضوع تدقيق ايدم بيلير . اساساً عكسنى
 درميان ايدم مزلردى . چونكه تكرار عرض ايديرورم ،
 مجلس هالى اعضاسنك هر هانسكى بريسنك مطلع اولديغى
 خصوصاتى ، هيئت جليله كزه عرض ايتك جمله حقوقندرد .
 يالكز افنديلر معرض دليلده بويورديلر كه طريق قبلى
 دكلدر . مدعى عمومى اعتراض ايدم بيلير . افنديلر ! محترم
 بر حقوقشناسك آغزندن بو مطالعه يى ، جواب صدنده
 دويدقمه جبرت ايدم حكم . بو حيرتمى مادام الحياه محافظه
 ايدم حكم . مدعى عمومى كيمدر ؟ كنديلرينه صورارم .
 مدعى عمومى محكمه ده طرفيندن معدوددز . مرحتكزه
 التجا ايدرم . طرفيندن برينه حق اعتراض ويرديككز
 حالده ديكرينه ويرمه مك ، عدالتك هانسكى قاعده سيله ،
 اصول محاكمات عدليه مك هانسكى دستوريه ، اساسات
 حقوقيه مك هانسكى اساسى ايله قابل تالفدر . افنديلر !
 استقلال محكمه لر ينك موضوع بحث اولان قرارلرى ،
 شو نقطه ، بو نقطه ويا بو شخصك تأمين صوتيتى ، تأمين
 برأتى دكلدر . افنديلر ! مملكتده قاعده قومقدرد . افنديلر
 بالعموم مقررات جزائيه ، حتى آتش خطنده ، دشمن
 قارشوسنده قوماندانلرك ، بوتون مسئوليتى اوزرينه آلهرق
 يابدقلى خصوصاتدن غيرى ديوان حربلرك بالعموم
 مقرراتى تابع تميزدر . افنديلر ! اداره مشروطه مك
 مملكتده يامش اولديغى نتيجه لر دن بريسى ده ، ديوان تميز
 عسكرى قانونيدر كه هنوز مع التأسف بر اصول محاكمه
 عسكريه به مالك اولما ديفمز حالده ديوان تميز سايه سنده
 اردو افرادينك مصونيت حقوقيه سى بلغأ ماباغ تأمين
 ايدل كده بولمشدر . افنديلر ! ديوان تميز عسكرينك
 دشمن قارشوسنده ارتكاب جرم ايدنلردن غيريسى حقنده
 ويريلن قرارلرى تدقيق ايتديكى نظر دقتكزه عرض ايدرم .
 شمدى على الاطلاق بر فكر جرم دن يا خود على الاطلاق
 هر هانسكى بر ماده دن ، استقلال محكمى قانونك فوق العاده .
 لكندن دولاي مؤيداً كور كه محكوم اوله حق بر آدم

مشكلاته معروض قلماسی احتمالی واردر . (نه ديمك ايسته يورسكز سسلری) شونی ديمك ايسته رزكه استقلال محكمه سی قانونسك تعديلی دكل ، الغاسی احتمالی وار . (كورولتور) .

افنديلر ! مساعده بويورك ! برفكر و برقاعت درميان ايديبورز . سزده برفكری ، برقاعتی ديكه مك حرمتكار . لغنده بولونونگز . راسخ افندی حضرتلری ! فناعت يالكيز ذات عاليكيزك دكلدر ، ملتك در . ملتك ديكر و كيللر يلكده قناعتی واردر ،

امين بك (توقاد) — رئيس بك افندی ! انجمن نامنه سوز سويله حكيم .

رئيس — سوز ويره مه افندم .

محمدوهی بك (قره سی) — افندم ! بوراد برتكليف قانونی وار . بونده يكرمی بش آرقداشك امضاسی وار . لايحه انجمنتكده بر مضبته سی واردر اوقوندی . تكليف قانونينك ماهتی ندر ، اسباب موجبه سی نه در ؟ بونی هيئت محترمه كز ديكه مدی . بيانلر يكديكريله مناقشه ايديبورز . بيلمه ينلر ، بوندنی خبر اولانلر يالكيز ديكه بور . يا طبع ايديلوب توزيع ايديلسين ، مذاكره ايدم . يا خودده اوقونسون ، هپسني ديكه يه لم . سكونته مذاكره ، مناقشه ايدم . نه يه كورولتو ايديبورز ، نه يی قاچير اجغز ؟ هر كس آكلا سين . بناء عليه مسئله يی اساسلی صورتده ، مملكتك منافعه موافق صورتده حل ايدم . بناء عليه يا تأخيريله . . (اوقونسون سسلری) يا اسباب موجبه مضبته سی اوقونسون .

جازم افندی (ارضروم) — تكليفم ده ، مضبته ده اوقونمادی .

محمدوهی بك (قره سی) دوامله — ذات عاليكيزی چوق ديكه دك ، بك افندی ! اسباب موجبه مضبته سی اوقونسون ويا طبع ايديلر كز توزيع ايديلسين ، اوندن صوكره مذاكره و مناقشه ايدم .

طونه لی حلمی بك (زونغولداق) — طبيعی دركه وجدانم كز ، قلمم كز ، روحم كز الكدرين نقطه سندن كلن قناعتلر دولاييسيله كنديمزی هيچانه قاپدير يبورز .

اولمايورسكز بوندن دولايی مادام الحيات محافظه تأثر ايدم حكيم ، (نه يه تأسف ايدييورسك ، سسلری) تأثر ، تأسف تعبيرخی قوللامادم .

يحيي غالب بك (قيرشهر) — چوجوق دكلی ؟ شمدی آغلايه جق .

فريدون فكري بك (دوامله) — نه ايسترسه ك سويله . افنديلر ! استقلال محكمه لری مدعی عموميلرينك اعتراضه حقی واردر . ديمك قدر کافی اولمان بر مطالعه تصور ايدم . افنديلر ! تصور ايدكيز : استقلال محكمه لری نه زمان وجوده كتير يلسدر ؟ دوشونونگز كه بوتون مملكتك مقدراتی موضوع بحث اولدیی زمانده بو محكمه لرايشله مشدی . فقط افنديلر ! بوكون وضعيت اوميدر ؟ بوكون مملكتده فكر اختلافاتده استقلال محكمه سنك ياكلش اوله رق وجوده كتيره بيله چكي بوللره . علی الاطلاق عفو خصوصيدن باشقه ، طريق راقامق دوعر و ميدر ؟ افنديلر ! تصور ايدكيز ! استقلال محكمه سی بر خطاده بولونمش ، بو خطا تصحيح ايدله يه حكيميدر ؟

يحيي غالب بك (قيرشهر) — تصحيحنده مانع وار افندم .

فريدون فكري بك (دوامله) — تصحيح ايدله يه حكيميدر ؟ افنديلر ! عفو خصوصی ويا عفو عمومی صورتده خطانك تصحيحندن ايسه — علی الاطلاق اصولدن طولانی — حصوله كلن خطالردن ويا اصلدن طولايی حصوله كه بيله جك خطالردن طولايی مجلس عاليكيزك حكمايكنی قبول ايتك ، برحق مراجعت براقق ؟ بويله برقاوبی آچيق براقق دوعر و دكليدر ؟

افنديلر ! بنده كز بر نقطه يی هيئت جليله كزه عرض ايدم حكيم . افنديلر ! بوم مسئله ده متمصب اولماييكيز ، بو تكليف لايحه انجمنندن هر هانكي رانجمنه كتيسين ، اوراده تدقيق اولونسون . دلائلی ايله تعميق ايدلسون . بوتون جهاتی دوشونونسون و استقلال محكمه لری قانونی ؛ اكر ياشايه جقسه ، اوقانونك مدارحياتی اولاييله جك برچرخ ، بزمقانيتز مه ايجريسنه قونولسون . يوقسه ، افنديلر ! بودرجه تصديق ايله استقلال محكمه سی قانونك

رئیس — هر انجمنند کلن مواد اولاً او قونہ حق .
اوندن صکره ردی متضمن ایسه رأی عالیگزیه وضع
اولنه حق . بناء علیه اگر او قونما مشیسه ، که تحقیق
ایدیورم ...

فریدون فکری بك (درس) — او قونمادی ،
افندم .

امین بك (توفاد) — او قودم افندم !
فریدون فکری بك (درس) — سزاوقودیکزه ،
رسماً او قونہ حقدر .

محمد وهی بك (قره سی) — مضبطه او قونہ حقدر ،
افندم !

رئیس — ذات عالیگزیه يك او قونماسنی تکلیف
ایدیورسکرز ؟

محمد وهی بك (قره سی) — مضبطه نك او قونماسنی
ایسته یورم . رد ایدیلن تکلیف قانونی به اطلاع حاصل
اولق ایچون او قونماسنی لازمدر .

رئیس — اصول او یله دکلدز . ردی متضمن اولان
هر هانکی ر مضبطه او قونور ، اونک اوزرینه مذاکره
جریان ایدر ورأی عالیگزیه مراجعت ایدیلرک بر قرار
اتخاذ اولنور . تکلیفک استناد ایستیکی مضبطه نك اسباب
موجهیسی او قونماز ، بو واقع دکلدز و نظامنامه ده بویله
برشی یوقدر .

فریدون فکری بك (درس) — تنور ایچون
مضبطه نك اسباب موجهیسی او قونہ بیلور . بونده محذور
یوقدر ، فائده واردر ، تنوره مدار اولور .

رئیس — افندم ! تنور ایچون جازم افندی برادر مرکز
تکلیف ایستیکی قانون لایحه سنک او قونوب او قونماسنی
رأی عالیگزیه وضع ایده جگم . او قونمسنه لزوم کورنر
لطفاً ال قالدیرسون ! عکسینی رأیکزه وضع ایدیورم .
او قونمسنه لزوم کورمه ینلر لطفاً ال قالدیرسون !

فریدون فکری بك (درس) — آرتق بونده ده می
اختلاف اوله حق ؟

رئیس — بو قانون لایحه سنک — تنور ایچون —
او قونمسنه هیئت جلیله لزوم کورمشدر .

بنده کز وهی بك آرقداشمزک قطعاً فیکر بنده دکلم .
لایحه انجمنجه رد ایدیلن لایحه لک طبعی ایله بعده
مذاکره سی اصولی اورتایه قونہ حق اولورسه — ظنمجه —
صوکره بوجلاسک بر چوق وقتلری بهوده یره ضایع
اولور . لایحه انجمنی طرفندن رد ایدیلن مضبطه لردن طولانی
فیکر وقاعتجه آرا کزده اک زیاده یاره آلمش بر
آرقداشکوز وارسه بنم . او یله ایکن بن بیله بوکا طرفدار
دکلم . (خنده لر) یالکز استرحام لایحه انجمنی حقیقه ؛
مثلاً بنم تورکجه قانوننده اولدینی کبی صلاحیتی تجاوز
ایتمشیدر ؟

رئیس — رجا ایدرم حلمی بك ؛ اصول حقنده
سویله بیگز !

طونالی حلمی بك (دوامله) — اصول حقنده
افندم . صلاحیتی تجاوز ایتمه مشیسه هانکی اساسلی نقطه لره
استناداً ویا خود غیر لزومه بناءً لایحه پی رد ایتمشدر .
بونلر چور و کیدر ، دکیدر ؟ رجا ایدرم ، آرقداشکلر !
اصولاً یالکز بو نقطه لردن بحث ایتمه من لازمدر .
یوقسه فریدون فکری بك کبی عدایه انجمنندن کلش ده
طونالی بوکا اعتراض ایتمشده ، اوده اونی مدافعه ایتمش
کبی اولورسه ظنمجه او وقت مذاکره تمامیله وهی بك
آرقداشمزک دیدیکی کبی لایحه نك او انجمنلردن کلش
اولدینه بناءً طبعی ایجاب ایدر و بنده اوزون اوزادی به
مذاکره سی لازم کلیر . مسئله بوندن عبارتدر .

محمد وهی بك (قره سی) — او قونماسنده
معارضیسک ؟

طونالی حلمی بك (دوامله) — خایر !

رئیس — افندم ! اصول حقنده سوز آلمش اولان
قره سی میوٹی وهی بك تکلیفی شودر که : اولاً بو
مضبطه او قونسون . بو ، بر ؛ ایکنجیسی ده طبع و توزیع
ایدیلن ..

محمد وهی بك (قره سی) — بنده کز دیورم که یا
او قونسون ، معلومات حاصل اولسون ..

رئیس — یالکز او قونماسی خصوصنده .
فریدون فکری بك (درس) — او قونمادی افندم

ریاست جلیلیه

استقلال محکمه‌های فوق‌العاده بر ضرورت اوزرینه تأمینات حقوقیه‌نک الیه مهم و مؤثر لریدن مجرد اوله‌رق تشکیلی تجویز اولان محاکم فوق‌العاده دن معدود و صورت فوق‌العاده قبولنده اضطرار حاصل اولان احوال و معاملاتده ایسه امکانک صوکه درجه سنه قدر لوازم معدلتک تأمینیه ضرور و محذورک تحدید و تحقیق و جوبی مسله اولدیغندن ۳۱ تموز ۳۸ تاریخی استقلال محاکمی قانوننک بشنجی ماده سنده بو جهت نظر دفته آله‌رق اعدام حکم‌لرینک انفاذی مجلس عالی‌نک تصدیقه تعلیق اولدینی کی دیگر حکم‌لرینکده بو تدقیق و تصدیقه تابع طوتلی آتیده ایضاح اولته‌حق اسباب عدیده ایله اهم و الزمدر . خیانت و ظننه مظنون علم‌لری میاننده اسباب مخففه و جود بدها خفیف جزا ره محکوم اولانلرده بولنه بیلیر . مادی جزانک خفت و شدتندن قطع نظر بر وطنداشی خیانت و ظننه جرمیه اتهام ایتمک اساساً پک آغیر بر جزای معنویدر . اعتراض و تمیزه تابع اولیان استقلال محاکمک حکم‌لری هر حالده و تمامیه مصیب و محق عدایتمک عقلاً ، منطفاً و وجداناً محل اولدینی ایضاحدن مستغنیدر .

بویله موقت محاکم فوق‌العاده‌نک عدالت‌مغایرتی بعده ظاهر اوله‌حق حکم‌لرینک عفو خصوصی طریقندن باشقه صورتله ، یعنی اعاده محاکمه صورتیه رفتمده امکان قانونی بولنه میاجمنه و عفو خصوصیلر آتجق جزایی ازاله ایدوب جرم باقی قالا جمنه کوره یالکز محکوم معصوم دکل بوتون اولاد و احفادی بویله اشنع بر جرم ایله ابدیاً معیوب و بدنام اولمقدن قور تار یله مازلر .

اعلان ایتدیکنمز عمده لر دن باشقه مطبوع فرقه نظام نامه سنک ایلیک ماده سنده دخی بوتون قوتلرک فوقنده قانونک ولایتی حاکم قیله جمنز صراحتاً مذکور ایکن احکام قانونیه بی جهت ، جهت تقید و یا ابطال ایدن فوق‌العاده محکمه حکم‌لرینی بو نقطه نظر دن ده تدقیق ایدرک حسب البشریه و قوعی دائماً ملحوظ اولان خطیاً تک تصحیحنه میدان و امکان بر افاق درجه و جوبنده در . مجلس عالی‌نک استقلال محاکمی حکم‌لرینک جمله سنی تدقیق و تصدیق ایتمسندن بر قاچ کونلک تأخر دن دولایی بر محذور معقول تصور بنده امکان یوقدر . چونکه محکوم و محبوس

اولان بر شخص حقنده کی حکمک بر قاچ کون اول ویا سوکره کسب قطعیت ایتمسنده مقصد ترهیبی اخلال ایده‌جک بر محذور متصور دکلدر . استقلال محکمه‌لری مجلس عالی اعضا سندن تشکیل ایدلرک لرینه کوره بونلرکده دیگر محاکم کی طوغر بدن طوغری به مجلس نامنه محاکمه و حکم ایتدک لری طبیعیدر .

بناءً علیه کندی نامنه ویریان هر حکمی تدقیق ایدرک قانون و عاداته موافق کوردیکی تقدیرده تصدیق ایتمک مجلس عالی ایچون کندی شان و شرقتک خللدن صیباتی نقطه نظر دن ده بر لازمه احتیاط و بصیرتدر .

اسباب معروضه یه کوره هر هانکی بر جزایی متضمن اولورسه اولسون فوق‌العاده محکمه‌لر حکم‌لرینک اعدام قرار لری کی همه حال مجلس عالیجه تدقیق و تصدیق اولدقدن صکره انفاذی هر حالده و وجوه عدیده ایله الزم اولدیغندن ذکر اولان بشنجی ماده‌نک آتیده محرر شکله تعدیلاتی هیئت جلیلیه عرض و تکلیف ایدرز .

استقلال محاکمی قانوننک بشنجی ماده سی بروجه آتی تعدیلات اولمشدر :

استقلال محکمه‌لرینک مجازات ترهیبیه بی متضمن اولان حکم‌لری بویوک ملت مجلسی هیئت عمومی سنک و مجازات تأدیبیه بی تضمن ایدن حکم‌لری عدلیه انجمننک تصدیقیله کسب قطعیت ایدر .

ارزنجان	ارضروم	نیکده	ارضروم
نابت	رشدی	ابوبکر جازم	جازم
اسپارطه	زونفولداق	قسطمونی	ارضروم
حافظ ابراهیم	خلیل	خالد	ضیا
زونفولداق	قره‌سی	نیکده	قره‌سی
یوسف ضیا	علی شعوری	عطا	محمد وهبی
مرسین	بایزید	استانبول	بروسه
احمد نسیم	شفیق	اسماعیل جانبولات	عثمان نوری
جانبیک	اردو	آردهان	قره‌سی
جاوید	فائق	طلعت	احمد ثریا
توقاد	کیره‌سون	کوشخانه	طربزون
بکرسامی	طاهر	ذکی	رحمی
			ماردین
			عبدالرزاق

رئیس - اصول حقنده جریان ایدن مذاکره نتیجه سنده
 هیئت جلیله لایحه نك او قوم سینه قرار و ردی . اوده
 او قوندی . شمندی سوز آلمش اولان رفقایه صره سیله
 سوز ویره بکم . اول امرده انجمن نامه سوز ایستین
 توقاد مبعوثی امین بک در .

امین بک (توقاد) - محترم آرقداش لر! بنده کز دن
 اول سوز آلان محترم رفیق مز فریدون فکری بک افندی
 انجمن نامه ایراد ایتدیگی ایضاحانده ایکی نقطه یه تماس
 ایتشلردر . بونلردن بریسی ، علی الاصول انجمنه تودیع
 اولان مضبوطه نك شایان مذاکره اولدیگی وانجمنك قرار
 ویرمسنه صلاحیتدار بولمادیگی نقطه سیدر . ایکنجینی ؛
 درجه نانیله استقلال محاکمی مقرر تنك مجلس عالی کزه
 کلیسی طریقی تائین ایدن واستقلال محکمه سی قانونك
 آلتنجی ماده سنده کی مدعی عمومیله ویریلن حق اعتراضك
 موافق اولدیگی جهته متذکر در . معلوم احسان کز وظیفه دار
 اولان بالجله مؤسسات ، وظیفه سنك تعلق ایتدیگی احکام
 قانونیه دائر مسنده ایضای وظیفه ایدر لر . بوجله دن اوله رق
 انجمنمزك وظیفه خصوص سنده استناد ایتدیگی ، قانون
 ونظامنامه داخلیدر . نظامنامه داخلینك ۴۱ نجی ماده سی
 لایحه انجمنك وظایفی جمله سندن اوله رق دیور که لایحه انجمنی
 کند یسنه حواله اولان تکلیف قانونیلرک بهری حقنده اون
 بش کون ظرفنده مختصر بر مضبوطه تنظیم ایتکه مجبور در .
 مضبوطه ، نظر مطالعه یه آلتق ، رد اولتق ویا مذاکره یه
 شایان اولماق کبی شقلردن بری احتوا ایدر . شو حالده
 اوج شقلدن بری اختیار ایتک ایچون هر حالده بر تقدیر
 مسئله سی واردر . تقدیر ایدر هر حالده تعرضدن مصوندر .
 بناء علیه هیئت جلیله کز ، کرک شخصیتلری و کرک موقعلری
 بک محترم اولان ۲۵ ویا دها زیاده رفقای محترم طرفندن
 ویرلش اولان تکلیفی نتیجه تدقیق اتنده ایشته بو اوج
 شقلدن صوکنجیسی نظر اعتباره آلتق صورتیله تقدیراتی
 حسن استعمال ایتشدر . بناء علیه بو قانونه مستنددر .
 بو نقطه نظر دن فریدون فکری بک افندی حضر تلرینك
 انجمن حقنده کی بمطالعه لرخی انجمن نامه وارد کور میورم .
 ایکنجیسنه کلنج ؛ مدعی عمومینك حق اعتراضی مسئله سی

در میان ایدیلور . بو ذاتاً ویرلش اولان بر صلاحیتدر .
 بونی توسیع و تقیید ایتک دیگر بر قانونه محتاجدر . بوده
 هیئت جلیله به مآذدر .

فریدون فکری بک (درسم) - سز او مآذدی
 تقیید ایتدیگز .

راغب بک (کوتاهی) - اولاً اصول نقطه سندن
 عرض ایده حکم : یکر می بش محترم آرقداش مزک در میان
 ایتدیگی کبی لایحه انجمنك بر تکلیف قانونی رده
 صلاحیتی اولدیگی اوزرنده وقوع بولان ادعایه قارشی
 قیصه جه بر شی عرض ایده حکم :

افندیلر ! معلوم عالیگز انجمنلر اون بش اعضادن
 مرکبدر لر . هر هانکی بر انجمندن کن بر مضبوطه مطلقاً
 اون بش اعضا نك افکارخی تمثیل ایدیور دیگدر . حالبوکه
 بوراده ایچمزدن بر شخص چقیور ، او اون بش کیشنك
 تنظیم ایتدیگی مضبوطه یه دوغریدن دوغریه اعتراض
 ایدیور . دیمک که ۲۵ کیشنك تکلیفه اون بش کیشلک
 بر انجمنك حق اعتراضی اولدیگی قبول ایدر سه ک ،
 اون بش کیشلک - باخصوص اختصاص انجمنك -
 مضبوطه سنده بو کرسیدن هیچ بر کیسه نك حق اعتراضی بوق
 دیگدر . نصل اولور . بو افندیلر ؟ ... بناء علیه ایستر او تکلیف
 قانونی ، بوتون مبعوث آرقداش لر مز طرفندن امضا
 ایدلر سن ده یالکیز بن خارج قالایم . بن دوغریدن دوغریه
 او تکلیف علیهنده بیان مطالعه ایتک صلاحیتی حازم .
 قالدی که اون بش کیشلک بر انجمن ، هر قاج کیشلک امضایی
 حاوی اولور سه اولسون هر هانکی بر مسئله حقنده کندی
 نقطه نظرخی در میان صلاحیتی واردر . بو ادعا ایدلکه
 دکر بر کیفیتدر . شمندی افندیلر ! استقلال محکمه لرندن
 افعال ترهیدییه متعلق - اعدام حکملرینك تصدیق قانون
 موجبجه مجلس عالی یه مآذدر - اعدام حکملرندن
 ماعدا جنایی متضمن حکملر ، مجلس طالینك هیئت
 عمومی سنك تصدیقه اقتران ایستین ، جنحه یه متعلق ،
 یعنی احوال تأدیبه یی متضمن اولان حکملرده
 عدلیه انجمنك تصدیقه اقتران ایستون طرزنده بر تکلیف
 واقع اولمشدر . افندیلر ! نه استقلال محکمه لرینك تاریخ

تشکلی پک یاقیندر ، هنوز استتلال محکمه لری تاریخه انقلاب ایتدیکی ایچون بو کونکی واقعاتی ، حادثاتی ، معلوماتی ماهیتنده در . اونک ایچون هیمز بیلیرکه استقلال محکمه لری ، محاکم عادیه نك فوقنده یوکسک صلاحیتی حائز اولدیغندن دولای خلو اوزرینه ، ارباب جرائم اوزرینه مؤثر اوله جنی قناعتیه تشکل ایتمشدر . محکمه لر بدایه یالکز عسکر فراویلرینه منحصر ایکن کورولن فوائد عظیمه دولایسیاه حدود و صلاحیتلری توسیع و تشمیل ایدلکدن صکره ، فائده لری ده اوقدر عظیم اولمشدر . بزه سقاریا حربی قزاندیران دخی استقلال محکمه لریدر و استقلال محکمه لرینک واسع صلاحیتلریدر . بناء علیه استقلال محکمه سی دیبه بر محکمه خاطره کلدیکی کون ، اونک فائده سی ، صلاحیتک وسعتنده و اونک ویردیکی حکم لک سرعتنده و سرعت تطبیقنده بولمالیدر . اگر اونی ، صلاحیتی تحدید ایتک ، سرعت اجرا آتی اوزاتمق صورتیه بر طاقم قیوداته ربط ایدر سهک ، استقلال محکمه لریندن بکله نیلن فائده برینه ضرر حصوله کله چکدر . اوضرده شودرکه : فضولی بر محکمه تشکیلاتی اوله رق جهان قارشی بر استقلال محکمه سی تشکیل ایتش اولدیغیزی اعلان ایتک کیمزدر . [مانده ما کیان غرام : پک بیضه و صد هزار دعوا] قیلندن اوله چقدر . استقلال محکمه لرین وار دیبه چکر . فقط هیچ بر فائده تولید ایتیه چکدر . استقلال محکمه لرینک فائده سی صلاحیتلرینک واسع اولمشنده و اجرا آتیلرینک سرعتنده در . استقلال محکمه لرینک اوچنجی درجه ده بر شکل تعدیلی واردر . اوده ، بو کون المزده بولنلک صوک استقلال محکمه سی قانونیدر که اعدام حکم لری بو یوک ملت مجلسنک تصدیقه اقتران ایتدکن صوکره اجرا ایدیلر دیبور . اقدیلر ! بو تعدیل ، چوق رجا ایدرم سوزلرم هیچ بر شخصی رنجیده ایتسون . بناء علیه بر محکمه مظلونک علیه ، مجرمک علیه حکم ویردیکی وقت مدعی عمومی یته اعتراض ایدر . بو حکم دوغری دکلدر ، مقدریتنی مستلزمدر دیبه بیلیر . بناء علیه اومدعی عمومی صندالیه سنده او طور رکن دوغریدن دوغری یه دهاز یاده مجرمی قور تارمق ایچون او طر دیبور .

برایکیز که بومدطای تمی تمامه تأیید ایده چک بر دلیل اوله سون . مدعی عمومی بی دخی مظلونه خصم موقعنده بر اقله . فقط اقدیلر ! یته بو کونکی موجود ایله محاکم عادیه نك تشکیلاتیه باقلم . مسائل تأدیبه ده ، یعنی افعال تأدیبه ده ، جنحه اولان مسائل ده دوغریدن دوغری یه برنجی درجه ده جزا محکمه لری ، ده دوغریسی اصول محاکمه جزا قاون موقتک نشر اولوندیغی صرده ، اهالیدن او قویوب یارمیسی موضوع بحث اولیان اعضالردن ترکب و تشکل ایدن بر هیئت حاکمه طرفندن مظلونلر - قارشیمده هیچ بر شخصی قصد ایتیه بورم . ماوقی سویلیورم - استقلال محکمه لرینک بو اک صوک قانوندن اولکی قانونه اجرای عدالت ایتدکاری صرهلرده چوق بو یوک فائده لری کورولمشدر . فقط شکل معدلتدن صکره ، اوچنجی دفعه تعدیلندن صوکره فائده سی مقصور و محدود قالمشدر . عجباً هانسی سائقدر که اوچنجی دفعه اوله رق بو استقلال محکمه لری قانونی بویه تعدیل ایتدیرمشدر . قانون محدود و مقصور بر دأره به انحصار ایتدیرمشدر . یعنی بو کون المزده معمول به اولان قانون نیچون اسکیمی کبی شایل دکلدر . نیچون تعدیل ایدلمشده بو شکله صوقولمشدر . بو نقطه یی بالخاصه نظر دقت و انصاف کزه عرض ایدرم . اقدیلر ! استقلال محکمه لرینک بو قانوندن اول یابدق لری اجرا آدن مات ، مملکت ضرر کورمشده ، اونک ایچون مجرد بو ضرری ازاله ویا تحدید ایچون بو شکله تعدیله لزوم کورولاش دکلدی . برنجی بو یوک ملت مجلسنده مع الاسف آهن بر روح مخالفت ، صرف کندی مخالفتنه مصروف اولان سمیلری و کندی دوشونجی لری نقاط نظرندن او قانونک بو شکله تغدیلتی ایجاب ایتدیرمشدی . بو قانون بو شکله تعدیل ایدیلر کن هیمزده قانع ایدک که استقلال محکمه لرینک عظیم فائده لریندن بر قسمی بر طرف اولمشدر ، باد هوا اولمشدر .

علی رضابک (استانبول) - یعنی اندیشه شخصیهدن دولای .
راغب بک (کوتاهیه) - خایر آرقداشلر ! سزی بوتون موجودیتله تأمین ایدرم . بوتون محترم آرقداشلر مک

ایدیلیز ، فقط نه نقطه نظر دن تمیز ایدیلیز ؟ .. او آدم جانییدر ، دکلیدر ؟ اوندن سوکرم جرمک درجه سنه کوره او جزا دوغری میدر ، دکلیدر ؟ بو نقطه نظر دن تمیز ایدیلز . اصول نقطه سندن تمیز ایدلدیکنه و محکمه تمیز تقدیر دلانله صلاحیتدار اولمادیغنه نظر آلیوم موجود اولان محاکمه مسائل ترهیبیه ده ، افعال جناییه ده بر درجه لیدر . اقدیلر ! محاکم عادیه مز بر درجه اولدیغی حالده نه یه قور قیورزکه استقلال محکمه لری بر درجه اولماسون دبییه .. نیچون یعنی ؟ استقلال محکمه لر بله بو کونکی محاکم جناییه نک آراسنده ذات مسئله یی ندقیق نقطه سندن فرق ندر ؟ اقدیلر ! هیچ بر نقطه ده فرق یوقدر . آنجق بر نقطه ده ، اصول نقطه سنده فرق واردر . اوده اون بش کونده تمیز ایدیله جکدر ، یکر می بش کون اعلان اولنه . جقدی . بیلم شو یله اوله جقدی . بو یله اوله جقدی کی اصول لر له بو کی اصوله عائد مسائله استقلال محکمه لر بیک مقید اولماسی نقطه نظر دن فرق واردر و بزده و بوتون دنیانک ده ایستدیکی ده شودر که : هر هانکی بر جرم وقوعی آنده ، اک آز بر زمانه ، اک فضل بر سر عتله حل و فصل ایلسون . ایسته استقلال محکمه لری محاکم عادیه دن شو نقطه ده فرقلیدر . جرمی پک قیسه بر زمانه و پک قیسه بر یوله حل و فصل ایتمکدر . شو حالده بر محکمه جنایتک بردفمه اولمق اوزره ذات جرمه عائد ویردیکی حکمی مجلس عالی تصدق اتمزه - که کونده بیکارجه وقوع بولیور - احوال فوق لعاده ده وطنک ، مملکتک ، دینک ، ملتک نهله که به دوشدیکی بر زمانه کوندردیکی بر محکمه دن نه دن بو صلاحیتی قیصقانسون ؟ .. اقدیلر ! محاکم جناییه دن نیچون قیصقانمیور و نیچون جنایت محکمه لر بیک ویردیکی حکم لره تقدیر دلانله نقطه نظر دن مجلسک تدقیقندن کچسین دییورده اونک اوند بر ، یوزده بر ، میلیونده بر حکمی مسئله یی احتوا ایدن استقلال محکمه لر بیک حکمی قیصقانمیور . قالدی که ، استقلال محکمه لر بیک اعضا لری هر بریز کی برر دائره انتخابیه دن یکر میشر بیک نفوسک مظهر اعتمادی اولمش ، مملکتک اک یوکسک ، اک معتمد ، اک قدر تلی انسان لریدر . وجدان و حیثیازی مملکت و ملت نظر نده

ایچنده کیسه یی رنجیده ایتمکی قصد اتمه یورم . بر وقعه یی بر حقیقی سویله یورم . سلف عالیکنز اولان مجلسده بر روح مخالفت ، صرف مخالفت روحیه استقلال محکمه لر بیک صلاحیتنده کی فائده یی بیله بیله ، تقدیر ایده ایده عن قصار استقلال محکمه لری قانونک تدلیلی جهتیه کیتمش و او - صورتله تدلیل ایلمشدر . بوجهت بو صورتله آکلاشیلدقدن صکره فریدون فکری بک آرقداشمز اورته یره بر محکمه تمیزی سور و لرلر . یعنی استقلال محکمه لری برنجی درجه ده بر محکمه در . بونلرک خطاسی کیمک طرفندن تصحیح اولنه جقدر دینور . مدعی عمومیلرک اعتراض حتی اولسنی و مدعی عمومیلرک دوغریدن دوغرییه محکمه نقطه نظر دن دکل ، یعنی هیئت حا که نقطه نظر دن دکل ، مجرم نقطه نظر ندرده ، عین زمانه مدعی علیه ، مظنون نقطه نظر دن ، مجرمی قور تارمق نقطه نظر دن دخی صلاحیتی واردر . او نقطه نظر دن دخی مطالعه در میان و صلاحیتی استعمال ایده بیلیز . مدعی عمومیلر حقوق عمومییه صیانت ایچون محکمه ده اوطوریورلر . برنجی درجه ده محاکمه ایدیلیز . نهایت استیناف اولور ، برده تمیزی واردر . اقدیلر ! محکمه تمیزی ، محکمه استیناف شکل و ماهیتنده تلقی اتمه ییکز ! محکمه تمیز ، تقدیر دلانله صلاحیتدار دکدر . « شو ویا بو مسئله ده جرم واردر ، یوقدر ، بو آدم قباحنلیدر ، قباحن سزد » دیمکه صلاحیتی یوقدر . بو ، اصول نقطه نظر دن تدقیق ایدر ، اصول محاکمات جزاییه قانونک فلانجه ماده سنه موافق اولمش ، اولماش ، دو قوزنجی کون تمیز ایدیله حکمش ، اون برنجی کون تمیز ایلمش ، موافق اصول دکدر . شکلنده اصول نقطه سندن اوراقی تدقیق ایدر . بناء علیه محکمه تمیز طبقات محاکمه ذات جرمه نسبتله بر طبقه دکدر ، اصوله نسبتله بر طبقه در . اونک ایچون بزده محکمه افعال تأدییه ، جنحه مسائله ده ایکی درجه لیدر . برنجیسی محاکم ابتداییه دیکری محاکم استینافیه در . فقط جنایتلره کلهم اقدیلر ! جنایتلره محاکم بر درجه در . بر محکمه جنایت حکم ویردکدن سوکرمه او محکمه جنایتک حکمی ؛ حکمدر . تمیز

رئیس — مذاکره كك كفايتي حقنده تقریر واردر
او قونه جقدر :

ثابت بك (ارزنجان) — كفايت علمينده سويليه جكم
رياست جليليه

مسئله تنور ايتشدر . مذاکره كافيدير لايحه انجمنی
طرفندن ردی متضمن اولان مضبوطه نك رأيه قونمسی
تكليف ايلرم . ۲۴ - ۱۲ - ۳۹

بايزيد مبعوثی

سليمان سودی

رئیس — ارزنجان مبعوثی ثابت بك كفايت علمينده
سويليه جقدر .

ثابت بك (ارزنجان) — آرقداشلى ! مسئله نك له
وعلمينده چوق سوز سويليندى ، لكن بنده كزجه مسئله
تنور ايتمه دى ، اونك ايچون كفايت مذاکره علمينده
سويليه جكم : محترم آرقداشلى ! متاركه يي متعاقب ، ايلك
دفعه حبس ايدلش ، هر كون ، هر دقيقه آصاسمق
استقرارلى كچيرمش نفي ، تغريبلى كورمش بر آرقداشكزى !
رئیس — كفايت علمينده سويليه جك ايديكز .

ثابت بك (دوامله) — بو ، اسباب موجه در ... بو
سبله رحقسزلق انديشه سييله نه قدر متأرو متحسس اولورسه م
ينه وجدانك بوتون تأتراتی ايضاح ايدمه جكمه قائم .
افنديلى ! ايشته او مظلم كونلرده كى بومجلس طاليله رفيق
محترم معمر بك ايله ديكر بروالى آرقداشمزله شرفلى
برر اولوم تهلكه سي كچيرر كن ...

رئیس — بك اقدى ! كفايت علمينده سويليه سيكز
رجا ايدر .

ثابت بك (دوامله) — عدم كفايه نك اسباب
موجه سيدير . رجا ايدر مساعده بو بورك ! (كورولتيلر)
رئیس — خاير افندم ! نظامنامه احكامنه مراجعت
ايدمه جكم .

ثابت بك (دوامله) — افندم ! استرحام ايدسيورم
شمدي يه قدر درت آيدن برى بلالزوم سوز سويليه مدم .
بو ، اسباب موجه در . سويله مكدن منع ايدمه جكمه سيكز ؟
بز اولوم تهلكه سي كچيرر كن اولوقت قوه تشريعه نك اك

مسلم انسانلدر . بونلردن صاقينوبده دوغرودن دوغرويه
برمسلك اربابندن صاقينماق بنده كزجه موافق دكلدر .
صوكر افنديلى ! بنده كز مسئله يي استقلال محكمه سي
نقطه نظرندن دكل برده مجلس نقطه نظرندن تدقيق
ايدمه جكم لطفاً مساعده سيوروكز ! فى الحقيقه افنديلى !
مجلسك صلاحيت تشريعه واجرائيه سي نقطه نظرندن بعضى
اعدام حكلمرى بورايه كليوروال قالديره ق كچيرسيورز .
فقط وجدانكزه صورارم : اعدامنه ال قاديديغمز
شخصك ياديني جرمك ماهيته دائر هانكي بريز تام
وكامل بر فناعت كتير مشدر . ايشته او آدم هدر اولوب
كيتمشدر . (تدقيق ايدلشدر ، سسلرى)

حمدى بك (بوزاق) — مجلس تدقيق ايدر .
راغب بك (دوامله) — بن يكرمى درت ساعت ،
قرق سكز ساعت او اوراقى او مه كوتوروب او قومادجه وهر
مبعوث اوينه كوتوروب او قومادجه تدقيقك امكانى يوقدر .
خليل بك (زونولداق) — مجلسك وجدانندن
نهدن شه ايدسيورسكز ؟

راغب بك (دوامله) — ... شه ايتيورم ، ياكش
آكلامايكز خليل بك ! سوزمه باشلار كن بر كرده مجلس
نقطه نظرندن تدقيق ايدسيورم ديدم . بن مجلس عالي يي
شاهدني بالذات ديكله ممش ، اوراقنى يكرمى درت ساعت
قرق سكز ساعت او قومامش ، محيطى ديكله ممش بر
جرمدن دولاي اولوزدى اولمازدى ديهرك انجمنك
سطحى معلوماته وبالطبع سطحى تدقيقاتنه مستند اولان
على العاده مضبوطه سي اوزرينه مسائل قضائيه ايله اشتغال
ايتمكدن ايدياً تزيه ايدر و چوق صاقينرم بو ، مجلس
نقطه نظرندن چوق تهلكه لى بر ايشدر . مجلس ، اوت
شوم مسئله ده بو آدم حقليدر ، حقسز درديه حكم ، يره جك
تدقيقاتى يابه جق حال وموقعه دكلدر . بناء عليه برنجيسى
استقلال محكمه لر نيك بو خصوصه كى صلاحيتلر نيك تحديده
قصرى قطعياً جائز دكلدر . اولرى فائده سز برشكه صوقار
ايكنجيسى ده مجلس ايچون چوق تهلكه ليدر . اونك ايچون
السكرى وجدانكزه قويكز واوندن صوكره قزار ويريكز
(مذاكره كافي سسلرى)

مهم رکنی اولان بر اعیان اعضاسی متماًدیاً تقریرلرور بیور
 و بن پارسه کیده حکم ، والیلرک محاکمه سی نیچون ختام
 بولمور دیور ، استیضاخلر یابوردی و اوزواللی ظن
 ایدیوردی که وطنپرورلکدن باشقه هیچ بر قباحتی اولمیان
 درت والی قفاسنی پارسده «قله مانسو» یه هدیه کتوره جک
 اولورسه بر شرف قازانه حق ، بوتون صلحی قازانه حق
 و مملکتی قور تاره جقدی ؛ اویله ظن ایدیوردی . (کیم
 بو ؟ صدالری) احمد رضا بک ...

دوقتور مصطفی بک (چوروم) - کفایت علیهنده
 بویله سوز سویله نمر رئیس بک . (کفایت علیهنده می بو
 صدالری)

ثابت بک (ارزنجان) - سویلیه حکم افندم .
 کفایت مذاکره علیهنده سویلیه حکم .

مصطفی بک (چوروم) - بونلری سویلیه مزسکر .
 سز هیچ بریکز یوق ایکن احمد رضا بک چالیشیوردی .
 احمد رضا بک ناموسلی بر آدمدر .

رشدی پاشا (ارضروم) - براق افندم ، سویله سون !
 براقک سویله سون یا هو .

قلنج علی بک (عازی عینتاب) - سزه نه اولیور ؟
 سز نه قاریشیورسکر ؟

ثابت بک (دوامله) - افندم اسویلدکرم ، کفایت
 علیهنده کی اسباب موجه در . سوز سویله یوب سویله مومی
 رایه قوبکر . آرقداشلر دیکله میورلرسه صوصه جقم .

رئیس - یالکرز کفایت مذاکره علیهنده سویله بکرز .
 صدددن خارجه چقمایکز . اوچنجی دومه اولوق اوزره
 بردها اخطار ایدیورم .

ثابت بک (دوامله) - کفایت مذاکره علیهنده
 سویلیورم . او آدم بویله دیوردی . بونلری کوتوره ررک
 مسئله نی حل ایده جکدی . فقط ینه اووقت او اعیان
 قبه سی آلتنده بر سس یوکلیدیوردی . (کیم ایدی ؟
 سسلری) اعیان اعضاسندن محترم ومبجل طوبیحی فریقی
 رضا پاشا ایدی . (الله رحمت ایله سون سسلری)
 نه دیوردی او آدم ؟ او احمد رضا اورادن سوتیلرکن
 « بونلری آسیکز » دیرکن او طوبیحی فریقی دیوردی که

« افندیلر ! فوق العاده محکم لک حکم لری و قرار لری ،
 مطلق دیوان تمیز عسکریده تصدیق ایدلسون » دیوردی .
 شمعی مجلس عالی کزلی او قدر سفیل بر حکومتله قیاس
 ایدیورم و مجلس عالی کزلی اونرله قیاسدن تزیه ایدیورم .
 فقط او یوله کیمیم . مجلس ؛ نه وقت عدالتی یوکلیدیورسه
 عدل وحقه رعایت ایدرسه او قدر یوکلجه جکدر ؛ جمهوریت
 او قدر پایدار اوله جقدر . آرقداشلر بو بودر .

رئیس - افندم ! مذاکره نک کفایتی حقدنه رأی
 عالی کزله مراجعت ایده حکم . مذاکره نی کافی کورن رفقنا
 لطفاً اللرینی قالدیرسون ! (کورولتیلر) عکسفی رأی
 عالی کزله وضع ایدیورم . قبول ایتمه ینلر لطفاً آل قالدیر-
 سون ! مذاکره کافی کوروله مشدر .

ثابت بک (ارزنجان) - ینه سوز سویلیه حکم .
 سوز ایسترم .

رئیس - رجا ایدرم ؛ صره سی کلدکجه ینه سوز
 ویریم . تلاش بویورمایکز . سوز خازم افندیسکدر .
 بویوروک افندم .

جازم افندی (ارضروم) - افندیلر ! معلوم عالیلر-
 یدرکه بوندن اول هیئت جلیله کز ؛ استانبولده ، استانبول
 حدودی داخلنده ایفای وظیفه ایتمک اوزره کندیسنگ
 لچیریسندن بر هیئت ممتازه نی انتخاب ایده ررک استقلان
 محکمه سی هیئتی کوندر مشدر .

رئیس - رجا ایدرم افندم ! خطیبک سسی بر آز
 ضعیف اولدیغندن سکونته دیکله یلم .

جازم افندی ارضروم (دوامله) - بن استقلال
 محکم لرینگ عدالتندن امیم . هر جهتدن عادلدر . هیئت
 جلیله نک وکیللری در . منتخبلیدر . آنجق بعض اسبابه
 بناء بونلرکده سائر محاکمک درجه سنه تابع طوتولسی
 دوغری دکل ایسه ده ، ینه هیئت علیه کزذن بونلرک مقرر-
 راتنگ مجلسدن کچمسی ایچون آرقداشلمزله ؛ معلوم
 اولان ودمین او قونان لایحه نی تقدیم ایتمشدک . مذاکور
 لایحه نی . لایحه انجمنی معلوم اولان اسبابدن دولای رد
 ایتمشدر . بنده کزلی بو تعدیل تکلیفنه سوق ابدن اسبابی
 مساعده کزله یضاح ایده میم . یقین زمانه قدر مجلس عالی کزذن

کله چکدر . ، ديبور . متباني احكام ايجون مدعي عمومي
 بتشد يرسه اوچ کون ظرفنده اعتراض ايده بيله چکدر .
 خالوله بزجه مدعي عمومي ، محترمدر . هر حاله حقي
 مدافعه ايدر . بوکافنا عتمز واردر . آنجقي برده مجرمک
 مظلونک نقطه نظر نندن دوشونمک لازمدر . عجباً مدعي عمو-
 مينک اوچ کون ظرفنده حق اعتراضه مالک اولسي مجرم ويا
 مظلونک نقطه نظري تلمين ايجون امنيتبخش اولورمي؟
 يالکمز مدعي عمومينک صلاحيتي امنيتبخش اولورمي؟
 کافي کورور ميکمز؟ طبيعي کورولمز . بونک اعتراض
 ايتديکي آدملا نه پاپاچقلاز؟ طبيعي خطاي عدلي ديبه
 امثالي مثللو کله چکدر . بو حکملار هيئت وکيله دن کچه چکي
 ايجون بر قسمي کله چک ، بر قسمي ياري بولدن دونه چک .
 بوندن هر حاله وجدان عاليکمز معذب اوله حق . بوکون
 اولمازسه يارين ، بوکا طرفدار اولميانلرک يارين طرفدار
 اوله چقلاز . امين . صوکره استقلال محاکمک تاريخچه نندن
 بحث بوور ديلر . آرقداشلر ! خيانت وطنيه قانوننک
 سکرنجی ماده سني اوقويه چيم :

« ماده ۸ — اشبو قانونه توفيقاً محاکمکن صادر اوله حق
 مقررات قطعي اولوب بو يوک ملت مجلسنجه بدالت تصديق
 محلا ننده افاذا اولونور . تصديق ايدلمديکي تقديرده مجلسجه
 اتخاذا ايديله چک قراره توفيق معامله اولنور » او زمان
 تدوين ايديلن خيانت وطنيه قانوننده ، مصرح اولديني
 اوزره اک تهلاکلي زمانلرده ، اک دهشتلي دورلرده مجلس
 محاکمکن خيانت وطنيه قانوننه توفيقاً صادر اولان حکملاز
 ايجون او زمان حاکم ايدی و بوکون ده حاکمدر .
 الی لادحاکم اولاجغني تمی ايدرم . خيانت وطنيه قانوننه
 توفيقاً استقلال محاکمکنجه ويريلن حکملاز قطعيدر . بو يوک
 ملت مجلسنجه تصديقتدن صکره ويريلن حکملاز افاذا
 اولنور . تصديق ايدلمديکي تقديرده مجلسجه اتخاذا ايديله چک
 قراره توفيق حرکت اولنور ديبور . ايشه اک تهلاکلي
 دورلرمزده بيله مجلس او قرارلره صاحب اولمشدر .
 بالآخره سقاريه محاربه سي کبي تهلاکلي زمانلرده عسکر
 فراريلري حقنده کي برطاق حکملاز بورايه کلوب کيشمه سنه
 وقت قالمديغندن بو شکلي آلمشدر .

بر چوق خطاي عدلي مسئله لری کچدی . منع مسکرات
 قانوننک تطبيقتده کي خطاي عدلي مسئله سني تحظر بو يور ياز
 بونده نيجون خطاي عدلي وقوع بوليور ؟ ديگر مسائله
 نه ايجون اوليور ؟ الکز يازه مجلسه کلن منع مسکرات مسئله يدر .
 چونکه : درجانه تابع دکدر . استينافي ، تميزي يوقدر
 بوندن دولايي خطاسي چوقدر . تاکه مجلس عالي يه قدر
 کليور و او خطايي تصحيح ايده چکسکمز ديه مجلس عاليک
 قيمتلي وقتلرينک اضاعه سنه سبب اوليور . او خطا نه دن
 اوليور ؟ ! درجانه تابع اولمديغندن اوليور . آنجقي !
 او ، محاکم عاليدر . اوند خطا يوقدر ، اوراده خطا
 اولماز . محاکم عاديده خطا اولايي پارسه ده بزم ايجمزدن
 اتخاب ايتديکمز بر هيئت محترمه خطا ايتزد بيليرسه ايتديکمز
 قاچ کوندر مذا کره ايتديکمز عفو قانوننک لهنده بولنان
 بر چوق آرقداشلر من بو يور يور لرکه ؟ « حرب دولاييسيله
 ويا ساثر اسباب جيلوليتله استقلال محاکمکن ويا ساثر
 محاکمکن بر چوق حقسنر حکملاز صادر اولمشدر . »
 راسخ افندي (آنتاليه) — حقسنر دکدر .
 ذهول اولمشدر .

فريدون فکري بک (درس) — شايان تصحيح
 اولايي پير .

راسخ افندي — شايان تصحيح بشقه در .

فريدون فکري بک — اونی ديمک ايسته يور

جازم افندي (دوامله) — تصحيح ايديبورم افندم .
 سهواولمشدر . بوکابناء بويه اوافق تفک خطالردن دولايي ،
 کلوب مجلسي اشغال ايدن ايشلردن دولايي بويه خطالر
 اولماسون ديه بوتکلفي يابديق . ديگر بر چوق خطالر بورايه
 کله يبور . قاليور . استقلال محاکمکن حکملارينک تميز
 واستينافي اولماز . استقلال محاکمه سنده سرعت لازمدر . بونک
 ايجون هيچ اولمازسه حکملاز برفعه مجلسدن کچسون ديدک .
 لايحه انجمنی رئيسی محترمی بو يور يور لرکه : حال حاضر
 قانونی مقصده کافيدر . بنده کز ، بونی کافی کورمپورم .
 اسباب موجهده « قانون الدهدر ، دردستدر ، باشقه
 تمديله لزوم يوقدر » بو يور يور لر . بنده کز لزوم
 کوردم . چونکه بوراده « يالکمز اعدام حکملاز مجلسه

بحث اولان بو مسئلهیه تماس طولانیسیله اساساً موجود
و مدون اولان دولت اصوللریز و حیاتی اساسلریز
اوزرنده معروضانده بولوناجم .

ایلاک کرسییی اشغال ایدن جانبولت بک افندیکن
افاد لرندن باشلابورم : جانبولت بک افندی بر مسئله
مستأخره اولسی افادهسیله شکل دولتک روحه و اساسنه
تماس ایدن بر مسئلهیه ، بنده کزک تلقی شخصیه کوره ،
سقط بر کوزله باقدیلر . فقط موجود تمایلاتدن استشمام
ایتدیکنمه کوره ، چوق ممنوم که ، رفقای کرامک
اکثریسی بو فکره اشتراک ایتمش دکلدیر . جانبولت بک
افندی ، باش وکیل پاشا حضرتلریکن بو مسئلهک انسانی
مذاکره سنده لایحه انجمنه کیتمش بولونمالری عادتاً
موضوع بحث اولان مسئلهیه تقدیماً مذاکره سی لازم
کلن و او همیتده تقی ایدیلر بر مسئله مستأخره شکلنده
تاقی ایتشلردر . بو مجلسک حامل اعتمادی بولونان باش وکیل
پاشا حضرتلری ، عینی زمانده ملاطیه تک مبعوثی ، عینی
زمانده هیئت وکیله میاننده برکن مهمدرلر و موضوع
بحث اولان مسئله ، بو مجلسک علاقه دار اولدینی بر ایشه
دائر بو مجلسدن یکریمی بش محترم آرقداشک ویرمش
اولدینی بر تکلیف قانونی اوزرنده بو مجلسک رسمی بر
انجمنده جریان ایتمش اولان مذاکره یه تعلق ایدیور .
بو مجلسک حکومتک رئیس ، بو مجلسک اشتغال ایتدیکی
بر مسئله همه اوزرنده ، بر مسئله رسمیه اوزرنده پایپلان
مذاکراتی تعقیب ایچن انجمنه کیتمکدن جانبولت بک
فکرنجه ممنوعیدیلر ؟ (خایر ، اصلا سسلی)

جانبولت بک (استنبول) — اویله برشی سویله مدم .
رجب بک (کوتاهیه) — و کندی فذاعتلرینه کوره
منوع اولسه لر هیچ بر وقت ، بن شخصاً امیم که ، بو
مجلس بو شخصی فکرلرینه قطعاً اشتراک ایده من !
(آلقیشلر)

افندیلر ! بو کوچوک کورون مسئله ، فلان
ذات فلان ره کیده بیایمی کی خصوصی بر قناعتی
تبلر ایتدیرمکک عاند کوچوک و اهمیتسز بر موضوعه مقصور
اولسه ایدی بو قدر اهمیتله نظر دفته آلامازدم ، موضوع

راسخ افندی (آنطالیه) — محاکمه کز یا کلشدر .
جازم افندی (دوامله) شمندی حال صلحه کچدک .
نیچون عجله ایده لم ؟ ویریلن حکمدر ، کلیر مجلسده تصدیق
ایدرز و موجب نقض بر حال وار ایسه نقض ایدرز .
ایکنجی دفعه مجلس بونکله مشغول اولماز . بزده عالمده ،
داخلده ، خارجه افکار عمومیه ده بزم عدالتزدن امین
اولور .

عزت علوی بک (قره حصار صاحب) — ذنآه ایدر
مراق بویورمایکنز .

چارم افندی (دوامله) — دها قوتلی اولور . بوکا
بناء لایحه قانونیه یی تقدیم ایتدک . فقط هیئت جلیله کز
حاکمدر . ایسترسه کز انجمن عاندینک رد ایتدیکی کی
سزده رد ایدرسکنز . و ایسترسه کز عاند اولدینی انجمنه
حواله بویوریکنز . بونی استرحام ایدیورم . رجا ایدیورم .
بر دفعه عاند اولدینی انجمنه حواله بیوریکنز اوزمان منافسه
اولور . نه ضرری اولور ؟ . شوراده کی یکریمی بش
آرقداشکنز که قلبینی ممنون ایتمش اولورسکنز .

مصطفی بک (توقاد) — آرقداش باشقه ، ایش
باشقه ...

رجب بک (کوتاهیه) — محترم آرقداشلرم ابوگون
موضوع مذاکره اولان مسئله ، بر اصلدن زیاده ماهیتی
اعتباریه بر شکل و اصول مسئله سی اولارق مواجهه منزه
بولونیور .

خلیل بک (زونقوداق) — براوو ، آفرین
رجب بک !

رجب بک (دوامله) — هنوز اختصاص انجمنه
کیدوب علاقه دار اولان و اختصاصی نقطه نظرندن
صاحب وقت اولان آرقداشلر طرفندن تدقیق ایدلش بر
مسئله اوزرنده بولونما دیغمز ایچون مسئله تک اصلی
اوزرنده — آرقداشلر تک سوزلرینه مداخله ایتمه بورم —
فقط اگر بن معروضانده بولونورسه مجلس عالیلریکن
و قتلری اسراف ایتمش موقعنده بولونمش اوله جفمی ظن
ایدیورم . آنجق رفقای کرامک بحث ایتکلی و مضبوطه تک
اختوا ایتدیکی شکل اوزرنده سویلرکن شیمدی موضوع

بحث ایتمکه دکرلی بولمازدم . فقط بو سوز مجلسک
و دولتک تشکل و تأسیسی تأمین ایدن اک حیاتی اساسله
تعلق ایدیور .

افندیز ! نزل اکثریا شکایت ایتدیکمز مشروطیت
اسرلاری ، حتی اوندن دهاکری اصولرده بیله حکومت
مقامنده بولنان و او شکلره کوزه ، او مجلسله اعضا
اولارق داخل اولمان ناظرلر دخی او مجلسلرک انجمنلرینه
هر وقت دوام ایتمک حقنی حائزدرلر . اگر جانبولات
بک افندی اصولی و نظامی برحق مسئلهسی موضوع بحث
ایتمه یوبده خصوصی برتمنی اظهار ایدیورلرسه او معنی نک
ساحه درمیانی حقوقی ، اساسی و نظامی اولان مسائلک
موضوع بحث اولماسی لازمکن بو مجلسک کرسیسی
دکدر . بونی خصوصی اولارق کوروشمک قابلدیر . فقط
و قانوناً و نظاماً باش وکیل ، فلان و یا فلان انجمنه ، شو
و یا بومقصده کیده من . کیدرسه مداخله اولور ، فکریخی
افاده ایدیورلرسه بونی بز قطعاً قبول ایده مبرز .
بزم وکیللریمز ، مجلسک اعضای اصلیه سندنذرلر . عینی
زمانده بزمه برابر بوتون رأیلره اشتراک ایتمک حقنی
حائزدرلر . بوندن فضله اوله رقی اجرائی مقامک بروظائفی
ایفا ایلمک اوزره مجلسک اعتمادینی حائزدر . بو ذوات
محترمه هیچ شهسز ، هر انجمنه ، هر زمان ، هر وسیله
ایله دوام ایدرلر . بنده کز جانبولات بک افندیکن
سویلدیکی شیئی تمامایله عکسنه چوره رک ، دولتک
و اساسنک موضوع بحث اولدینی بر مسئله نک اتنای
مذاکره سنده باش وکیل پاشا حضرتلرینک انجمنه کیتتمش
اولالری دولتک حیاتی ایله علاقه دار اولملری اعتبارله
بک چوق شایان تقدیر کوردم . (براووسسلیری) جانبولات
بک افندی بو فکرلرینی تأیید ایچون بوراده بر ماده
قانونیه نک پالکیز بر فقره سنی اذقودیلر . بنده کز کندیلرینه
او ماده نک فقره اخیره سنده او قومالری توصیه ایدرم .
اوققره ده دییورکه : « تورکیا بویوک ملت مجلسی اجرائی
وتشریحی بر مجلسدر . دولت بویوک ملت مجلسی طرفندن
اداره اولونور » . و صوکرده « وظائف اجرائیه مجلسک
اعتماد کرده سی اولان وکیللری طرفندن ایفا اولونور » .

عین زمانده ، قانوناً استقلال محکمه سی قانونک برنجی
مادسهی موجبجه استقلال محکمه لرینک شو و یا بومنطقه یه
اعزانی تکلیف ایتمک موقعنده بولونان بر وکیل ، او
مسئله موضوع بحث اولورکن اگر انجمنه کیتتمسه ایدی
بنده کز اووقت آنجاق بونی معاتبه ایدردم .

محمد بک (قسطنونی) — استقلال محکمه لری شمدی یه
قادر اجرای حکم ایدیورلردی . شمدی یه قادر بویله
بر تشکیلی نیدن دوشونمه مشلر ؟

رجب بک (کوتاهیه) — سؤالی صوریورسکیز ؟
محمد بک (قسطنونی) — استقلال محکمه لری باشقه
یزلرده اعداملری ، هر شیئی یاپارکن بو یچون دوشونولدی ده
بوکون ایلری سورولور ؟ دییورم .

رجب بک (کوتاهیه) — بنده کزده عین شیئی
سویله یه حکم . افندم ! فریدون فکری بکک افاده لرینه
کچورم . فریدون فکری بکی ، بوکون بو کرسیده هر
زماندن زیاده محمول تأثر اولارق کوردم . (متأثرده اوندن ،
سبی وار سسلری)

قنچ علی بک (غازی عینتاب) — سبی وار !
رجب بک (کوتاهیه) — افندیلر! فریدون فکری
بک ، دمنده عرض ایتدیکم قانونی ، اصولی و عقلی اسبابه
مستنداً لایحه انجمنه کیتتمک حقنی استعمال ایتمک اولان
بر وکیل ، بو مجلسک بر انجمنک ، بر جهاز رسمینک
ایفای وظیفه سینه مانع اولمقله اتهام ایتمشدر . مجلس عالی
بوکا اشتراک ایدیورمی ؟ . (خایر خایر سسلری)

فریدون فکری بک (درسم) — اویله برشی یوق !
رجب بک (کوتاهیه) — ضبطلری او قویبکیز افندم !
رحمی بک (سیواس) — آلاشیلما دی افندم !

رجب بک (کوتاهیه) — رحمی بکک خاطر ایچون
ایضاح ایدیورم ، تعجیز ایتمرسیم فریدون فکری
بک دیدیلرکه : « شو و یا بو انجمنه هر هانکی بروکیلک
کیدوبده کندی فکریخی درمیان ایتمسی ، مجلسک صلاحیتی
حائز اولان انجمنک صلاحتی نقطه نظرندن ، فعالیت
نقصه نظرندن بر مانعه تشکیل ایدر » .
فریدون فکری بک (درسم) — اویله دیهدم !

رجب بك (كوتاهيه) — اويله ديديكيز . ضبطلری اوقوييكنز !

فريدون فكري بك (درسم) — خاير قعايا
رجب بك (كوتاهيه) — اوخالده كيرى آلمشسكز .
(آلمشدر سنلری ، آلدی صدارلی) قوجه بر ملتك اداره سنی ، اداره سی مسئوليتنی درعهده ايتديبي ايچون بويله مهم بر مسئلهده سراپا تيفظ كسيلمش اولان مجلس تاينك صماخ دقتی اشهاد ايدرم . فريدون فكري بكك برچار بك اول سويله ديكي سوزلری اشهاد ايدرم . اگر سويله مه مشسه بی معاتبه ايديكيز ! ..

فريدون فكري بك (درسم) — ضبطلری اشهاد ايدرم ، بويله سويله مدم ! .. ضبطلر ميدانده در .

رجب بك (كوتاهيه) — افنديلر ! دولتمرك اساسنی تشكيل ايدن قانونلرك روحندن ملهم اولديغنه قناعت ايتديكم تلقيرمه و دويغولر مه كوره توركي بويوك ملت مجلسی ، اونك حكومتی ، اونك رئيس دواتی ، بالخاصه بواج عنصر ، ايشله ين توركي دولت مقانيز ماسنك بر لرلرینه تاماً مربوط و ايشله مك ايچون بر آهنگ نام حائنده بولومسی وهب بردن بر لرلرينك نقصانلرینی ، متقابل فعاليتلره اكمل ايتمی لازم كن آیری آیری اسم آلتنده مؤسس و حقيقتنده بر كل نام تشكيل ايدن جهازلردر . بوجهازلرك هر برينك فعالیتی ديكرینی ارشاد ايتك ، اوته كينك فعالیتی بريكنی ايقاظ ايتك صورتيله يكديكيرينه متناظر بر صورتنده متمادی بر فعاليت منظره سی عرض ايدرسه آنجق اووقت توركي جمهوریتی بو مشكل بولده موفق اوله بيلير .

كاظم وهبي بك (ارغی) — هر جهاز قانونله تثبيت ايدلمشدر .

رجب بك (كوتاهيه) دوامله — قانونله تثبيت ايدلمش اولان جهازلرك بوتون قانونی صلاحيتلرینی افاده ايدرك سوزی سويله مدم . افنديلر ! ينه اصول مسئله سيدر . فقط حیاتی وضعيتلر مزه تماس ايدن بر نقطه در . فريدون فكري بك ديدی كه ، اون بش كشيلاك بر لايحه انجمنی ۲۵ امضالی بر تقریری رد ايدمه مز .

فريدون فكري بك (درسم) — بك افندی !
اونی ده اويله سويله مدم . بن كنديلرینه قارشو
(كورواتيلر) خاير اويله سويله مدم ، ضبطده محرر در .
سوزلریمی باشقه درلو افاده ايديبورسكز .

رئيس — انندم ! رجا ايدرم ، سوزلر يکزی تصحيح ايدمه بيليرسكز . سوز ويريم . آرزو ايدرسه كز سوز سويلر ، تصحيح ايدرسكز .

رجب بك (كوتاهيه) — افنديلر ! كرسیده سوز سويله مك حقی كندی اوزر لرنده اولدينی زمان بر آرقداشك وقوعه بولده جق مداخله سنی تعرض تاقی ايدن فريدون فكري بكك بن سوزی كسمك خصوصنده کی وضعيتنی ده سوزلریمه ممانعت عديله اتهام ايتمكزی رجا ايدرم .

فريدون فكري بك (درسم) — بن جواب ويريبورم اقدم .

رجب بك (كوتاهيه) — جوانی صوكره و بررسكز .
افنديلر ! فريدون فكري بك ؛ لايحه انجمنی ، يكرمی بش كشيلاك ويرديكي بر تقریری رد ايدمه مز ديديلر .
بنده كز سوزی اوزاتمه مق خصوصنده کی آرزومه رغماً تكرار ايديبورم . چونكه اساسی مهم در . بنده كزجه ، بو مجلسجه هر هانگی بروظيفه توديع ايدلمش اولان بر انجمن ، قناعتی افاده ايچون بر آرز مبالغه لی بر رقم ايله عرض ايدمه بيليرم كه ، كل ۲۵۰ ، ۲۵ امضالی بر تقریری ده رد ايتك صلاحيتله مجه زدر . چونكه اننديلر ! كچنلورده ده بالوسيله عرض ايتديكم کی قوريدورلرده افاده ايدلمش سوزلرك ، امضا ايدلمش تقريرلرك ملتك حیات طاقتی اوزرنده مؤثر اولاجغنی ادعا ايتك حق و صفتنی حازر دكلز . آنجق و آنجق اكثریت مطلقه سی و نصاب قانونی سيله تشكيل ايتش اولان مجلسده ، بوراده موقع مذاكره يه قونيله جق بر مسئله ده بو معامله اوزرینه اكثر تيمز هانگی مسئله يه قرار ويره جك اولورسه مطاع اولان شی يالديز اردر . يوقسه شو كاغذك و بوتقريرك آلتنده کی امضانك قوت و تأثير نقطه نظرندن هيچ بر قيمتی يوقدر .

ضمير بك (آطنه) — قيمت و اهمیتی يوقدر .
يوز امضا ايله كلن تقريرلری ده رد ايديبورز . بو ، واقعدر .

بوتون حیات الیمی ، او یوزدن محو اولمغه محکوم اولورسه
 بونک بوتون استقلالی اندیشه سی وزوالیله ، فریدون
 فکری بکک وجدانی، قلبی تهز زیاته یورمی؟ (براووسسلی)
 اقدیلر ! قطعاً افاده ایده هم که سویلدیکم سوز بر پرنسیبه
 جواب ویرمش دیگر بر پرنسیب حالنده در . قطعاً بر
 وطنداشک شوبله ویا بویله برحالی دوشوندیکم واقع
 دکدر . فقط اقدیلر ! اگر بویله وطنداشار واریسه،
 اگر بویله وطنداشک و جودی محکمه عاذه سی حضورنده،
 عدالتک حضورنده اصولیله وتمامیله ثابت اولورسه
 او وطنداشک ایکنه مه سیمی موضوع بحثدر ؟ یوقسه
 او وطنداشک قصد آویا عن جهل بیلهرک بیلیمهرک قوجه بر
 ملتک؛ بوتون مصائب حیاتی طائمش زوالی رملنک یکی وفجیع
 بر عاقتیه سور وکلنمه سنه منهی بر بولده کیتمش ایسه بوراده
 قوجه بر ملتک حیاتی موضوع بحثدر ؟ بونی نظر دفته
 آلمق لازمدر . اقدیلر ! حیات عمومی ملیه نك
 موضوع بحث اولدینی زمانلرده بو کرسینک شماری ،
 نك وطنداش ایچون دوشونمک دکدر . او زمان
 بوتون وطنداشلی دوشونمکدر . (براووسسلی)
 بر کتله عمومی بی دوشونمکدر .

جزم اقدی (ارضروم) — او یله دکل ، هپسی
 دوشونیله جکدر .

رجب بک (کوتاهیه) — نك وطنداش البته هر
 زمان دوشونولور . فقط بو وضعیته بن ، بوتون نك
 وطنداشلیدن مرکب اولان هیئت مجموعه ملتی واونک
 اقامت ایتدیکی مقدس وطنک منافع عمومی ملیه سنی
 دوشونیورم و عمومی وطنک منافعی ایجاب ایتدیررسه
 اوکامتجاوز اولان هر نك شخصک، بر کتله نك، بیکرک،
 یوز بیکرک قطعاً محو اولسی طرفداری هم . (بشارجب بک
 سسلی) بو ، هم آرزوی ذاتم دکدر . بو ، حیات
 پرنسیبدر . (هپمزک آرزوسی سسلی)

مصطفی بک (توقاد) — هپمزک آرزوسی بودر .
 (ملتکده آرزوسی بویلدر سسلی)

رجب بک (کوتاهیه) دوامله — اقدیلر ! شو
 ویا بو وطنداشک بر سوء حالی اولورسه او ، هیچ

رجب بک (کوتاهیه) دوامله — اقدیلر ! فریدون
 فکری بک کندی دعواسنی مدافعه ایدرکن مجلس عالی نی
 نوعما بر وظیفه تمیز ایله توظیف ایتک آرزوسنده بولو .
 ندقلری سویلدیلر . بو مسئله حقنده اوزون سوز سوبله مک
 اختصاص ، صلاحیتک و تدقیقات شخصیبه مک خارجنده در .
 فقط اصل مهم عد ایتدیکم بر نقطه واردر . اونی افاده
 ایتدن کچه مه یه جکم . امور دولتی تمشیت ایتک اوزره
 طولیلاشم اولان سیاسی مجلسلرک عدلی سائلده هر هانکی
 بر حکمک اصابت و عدم اصابت قانونیه سی حقنده قرار
 ویرمک صلاحیتنه شخصاً تماماً مترضم . اقدیلر ! بو
 ماهیتده طولیلاشم اولان مجلسلرک یالکیز سیاسی جریانلرک
 تأثیری اولدینی دقیقه لرده باشامغه استمدادی واردر ،
 احتمالی واردر . اقدیلر ! ارباب اختصاص اولان حقوقی
 آرقداشلردن صورنیورم . اوصاف تمیز بو مقصدله ،
 بومهیته تأسس ایتمش بو مجلسده تجلی ایده بیایر می ؟
 (خایر سسلی) .

ثریابک (قره سی) — قانونک هیئت عمومی سنده . .

رجب بک (کوتاهیه) — ذات عالیکنز آرزولریکنزی
 سوکره عیناً سوبله بیکیز . مداخله ایته بیکیز !

ثریابک (قره سی) — سوزیکیز دوغری ایسه مجلسک
 بوکا متفرع بر جوق حقوق و صلاحیت موجوده سنک
 رفی لازمکلیر .

رجب بک (کوتاهیه) — اقدیلر ! نك اساسلی
 بر نقطه اوزینه کلیورم . فریدون فکری بک دینورکه بر
 وطنداشک ، هر هانکی بر حکمک بر خطای عدلیسی
 نقطه نظرندن سنلرجه ایکنه سی احتمالی وجدانکنزی
 تهز ز ایتورمی ؟ بسوز حقیقه وجدانی تهز زیاتمشدر .
 فقط اقدیلر ! بو طرز تهز ز عموم ملتک استقبال و حیاته
 مائد اهتزازات مواحه سنده وجدانده اساسلی رکوک
 طومرمن سطحی اوله رق کلش ، کچمشدر . چونکه
 اقدیلر ! کیزله یه بیورم که بر قاچ وطنداشک هر هانکی
 برسقامت افعالندن دولانی بوملتک حیاتی تهلیکه به معروض
 قالیرسه، بو قوجه ملتک ، میلیونلردن عبارت بر ملتک
 عنصرلرجه سیآ ته معروض قالمش، محو اولمش زوالی بر ملتک

مصطفی بك (توقان) - دویمق بشقه ، كوزله
 كورمك بشقه ، اونلر كورمديلر كه ... دويديلر ...
 رجب بك (دوامله) - كيميسى ، كندى مقدسا -
 تنك نارمار اولديغنه كوزيلرله شاهد اوله رق دائما حيات
 وناموس و مقدساتنك محو اولمى نهلكه سيله ، اولومله
 يوز يوزه وقارشى قارشى به گلشدر .
 افنديلر ! بو كرسى ، هيچ بر كيمسه نك چيقوبده
 كندى ذاتى حقنده كي امتيازندن بحث ايتسنه مساعده
 بخش اولان بر كرسى دكلدر .
 ثابت بك (ارزنجان) - اوني بن شرف ايجون
 سويله دم . « مجلسى ظلمدن تزيما » سويلدم .
 رجب بك (كوناهيه) - دوامله ثابت بك ! ..
 بو خصوصده بيمده سوزسه بلنكه حقم واردر . (دوام سسلرى)
 رئيس - على بك ، ثابت بك ، رجا ايدرم سكونى
 محافظه ايدىكن .
 راسخ افندى (آنطاليه) - مملكتده بيقيلمادق بر
 قالمشدر . يانغين لرلنده دها دومان توتيور ...
 حالامى احتراض ؟ ! ..
 رجب بك (كوناهيه) دوامله - افنديلر ! ينه ثابت
 بك ديديلر كه : [سزى بكنز ميورم] . تشكر ايدرم ،
 بكنز ميورلر ، سزى بكنزه دمديورلر افنديلر ، دها
 دون مطلع اولديغيم بر مثالى عرض ايدم جكم . بلنكه بيلن
 آرقداشلمزده واردر . يديوز بيك ليرالق بر آدمك
 يديوز بيك ليراسنى بر كونده ، هيچ بر معنا افاده
 ايتمين نك بر امضالى بر مقبوض بيله و برمه دن خبراً
 آلوب سورونديرن بر اداره نك ، اتحاد و ترقى دورنده
 و مملكتك ميايونلرله آج وسفيل اهاليى سلاح باشنده
 اوغراشيركن يالكنز كندى شخصلرى ايجون چايشمش اولان
 انسانلرك بولندينى بر اداره بى بكنز تمك ...
 على بك (قره حصار صاحب) - قفقاس جبهه سنده
 يوز بيكلرجه انسانلرى اولدوره نلرى ده بيليرز . (كورولتورل)
 اوت سويلرزه . ايجاب ايدرسه دها چوق شيلر سويلرزه .
 (شدتلى كورولتورل)
 رئيس - اقدم جلسه يي اون دقيقه تعطيل ايدىيورم .

شبهه سزملتك وجدان راقنده بر شفقت قطع سى بولا بيلير
 فقط عيى زمانده بوشفت و نصفت حسلرينك يانده برتون
 مملتك ميديونلرك حياتى كبرمىي محتمل اولان بر تشبثى ،
 توقيف ايتك ضرورتى موجود دكليدر ؟ افنديلر ! ثابت
 بك افندى آرقداشلك سوزينه بكيورم كفايت مذاكره
 علمنده سويله ملك وسيله سيله بعض مطالعاتده بولونديلر
 بالخاصه فاده لرينك بر قسحى و بعض آرقداشلك بعض مناسبتله
 سويله دكلرى سوزلر بنده تاثير حاصل ايتدينى ايجون . بو نقطه
 اوزرنده بر آرتوقف ايدم جكم افنديلر ! ثابت بك افندى
 ديورلر كه : بن شو قدر سنده نبرى موقوف قالمش بر آدم .
 بعضاده اولومله قارشى قارشى به گلش بر آدم . افنديلر ،
 اولومله قارشى قارشى به گلش ، حياتى فلاكتك ، اولومك ،
 بوتون نخر بنگار قوتلرك مواجبه سنده كورمش اولان برويار
 قاج ذات دكل بوتون بومات در . (براوسسلرى) افنديلر ،
 بومات در ، برملت ايجون فلاكتله هر زمان قارشى قاشى به
 گلش ديبه ن اوله بيلير . فقط ملامتلك فرداً فردا هر داهر بريسى
 يقينده بكيورديكمز يالكنز صوك فلاكت دولاي سيله - بوتون
 اولكيزلرى عفو ايتدم ، بوتون نارنجك تىكرار ايتديكى
 فجايى بر طرفه براقدم - يالكنز اوچ سنده ن برى ، درت
 سنده نبرى ياشادىغيمز دورده فرداً فرداً اولومك قارشو -
 سنه كله مش هانكى ناچيز وطنداش واردر ؟
 يحيى غالب بك (قيرشهرى) - اولمش ، اولمشدر ! ..
 رجب بك (كوناهيه) - اولمشلرى بر طرفه براقيورم
 اوزواللى محترم شم بر اسمزلرك بو مملكتده كعبه استقلالى
 بنا ايدن اوقهرمانلرك بوكون حقلرنده كافي مقدارده
 تعظيماً حركت ايدمديكمز او يوز بيكلرجه وميديونلرجه
 اسمزلرك اسملرى و ناملرى حرمتله ياد ايتمكك برابر
 بوراده اولردن بحث ايتيورم . فقط ، بو وطنك انقضى
 اوزرنده ياشايان ، بر اسمز ميديونلرك آنلرى ، باپالرى
 قرده شلرى و دايلرندن عبارت اولان كبرى قالمش ميليو -
 نلرك ؛ بكيورديكمز درت سنده نظر قند . وطن ايجون كيميسى
 دشمن سيزلرده آتش و سونكو قارشو سنده كيميسى قارلرده ،
 قاغى باشنده ، كيميسى صابان باشنده ، كيميسى دشمن
 الى ويا اسار سنده ...

ایکینجی جلسہ

بمذاکرات


دقیقہ ساعت

۲۵ ۴

[رئیس - فتحی بك افندی]

کاتب - روشن اشرف بك (قره حصار صاحب)

حقى بك (وان)



رئیس - افندی! جلسہ بی آجیورم . بالجمله رفقاندن کمال صمیمیتله رجا ایدرم . کرسیدن سوز سوبله ن آرقداد . شرفناعت وجدانیه لرخی ، ملکیتک منافعه موافق کوردکاری خصوصاتی کمال صمیمیتله ایراد ایدیورلر . سکوتی محافظه ایتکزلی و مذاکره کانتظامی محافظه بویورمکزلی بالخاصه رجا ایدرم افندی (چوق دوغره سلسری) رجب بك افندی بویوریکرز سوزیکری اکیال ایدیکز .

رجب بك (کوتاهه) - محترم آرقداشلر ، بوتون آفاق وطنه ملی فیوضاتی بخش ایدن و او فیضلر ایچریسنده ، ملکیتک ، وطنک انکشافات حیاتیه سنک تأمیننی تکفل ایتمش اولان مجلس عالیکزک و بوجامسک حکمران اولدینی بدورک بونکله هیج بر وقت وهیج بر وجهله قابل قیاس اولمان بر دورله مقایسه سی نقطه سندن بحث ایدیورم . محترم بر آرقداشلر بویورمشلر درکه اوله بر دورده بوتون وجدان امتده قهرمان نامنی آلمش اولان طوبیجی فریقی ، اوزمانک اعیاسندن رضاشا حضرتلری دورک مظالمه قارشلی شکایت ایتمش . افندیلر! دمین افاده ایتدیکم بر نقطه بی تکرار ایدیورم . اوقطه شکایتده بوکون همز وهیئت مجموعه مله مشترکدر . بالکز فکرلری افاده ایتک ایچون بر دورک اسمنی تلفظ ایتک مجبوریتنده قالدیم . اتحاد وترقی دوری دیدیم وایکی زمانک . ایکی دورک اشکال و قوتلری و طرز اداره سی مقایسه ایدرکن اتحاد وترقی اسمندن دها قولایلقله اوزمانی تعریف ایده جک بر وجه توسیم بوله مدیغ ایچون بونی مثال کتیردم . اتحاد وترقی جامعه سی ایچریسنده

تورکیا وطنک بوتون آفاقده فکر ملیتی ، فکر تجددی فکر اصلاحاتی وجوده کتیرنلر واردر . ایلك قراکلی دورلده ، هیج بر کیسه نیک بوکلرک حقیق معناسی بیلمدیکی زمانلرده - هیج کیسه دیدیکم زمان بر قسم آکلایامانلر اولدینی قصد ایدیورم - بو محترم فکرلرک بر ملتک محض حیاتی اولان مفهوملرک بولدیغی بدورده بونلری تأسیس ایتمش اولان طانیدیغم و طانیادیغم ذواتی و بو طرز تأسیسه اشتراک ایتمش اولان و ایچریسنده بزم محترم آرقداشلر مزده بولمان دیکر ذواتی قطعاً قصد ایتدیکم بو کرسیدن تکرار ایتک مجبوریتنده ایم . افندیلر! اتحاد و ترقی نامی آئنده طویل ایتمش اولان زمرة نیک وطنک اک بویوک اندیشه لرله قلبی چاربان اصیل بر قسمی وارایدی ، واردر و بوکونکی موجود اولان بنیه ملیه نیک محترم و قوتلی عنصرلری تشکیل ایدن عناصر میاننده بولرده موجوددر . فقط افندیلر! دوری افاده ایتدیکم زمان اودوره اضافه ایتدیکم فالقصر خصوصنده بوکون او آرقداشلر داخل اولدینی حالده همزک مشترک اولدینی افاده ایدیورم . افندیلر! دمین بر رقم سوبلیم واسم تصریح ایتدم . فضله زمان طائب ایتمه مک ایچون ، فضله تعجیز ایتمش اولماق ایچون قیضه جه تعریف ایتشدم . چونکه بعضی رفقانک بلکه آلیفانلق حسبله بشری ضعف ایله متحسس اولمق و مقصدم خلافتده یا ککش آکلاشلمق احتمالی واردر . رفقا دیرکن بالکز آرقداشلر می دکل بوتون وطنداشلسری قصد ایدیورم . افندیلر! بو کوچوک بر حکابه در : ایضاح ایتک ایتدیکم دوری شی ایتک ایچون سوبلیم . اودورده معلوم لوازمات رئیس اسماعیل حق پاشا واردی . بذات ای خودیله حرکت ایتک و اوزمانک شکلنه صغینه رق کندیسنده هرشی بايق قوتنی ظن ایدن بر آدمی . دها دون ویاخود اولسکی کون ایتدیکم بر حکابه ده اسمنی شمدی در خاطر ایدمه مدیکم فقط همکزرک اوکره نیمی قابل اولان بر وطندانک بدی یوزبیک لیرایه بالغ اولان بوتون ثروت واموالنی هیج بر وجهله تکالیف حریبه مقبوضی دخی و بر مکسزین آلدینی و بو بیچاره وطنداشک داغلرده اوزون مدت اولته

دائماً نتایج هر کتیره بیلیر. افندیلر ا تردد ؛ نازگانه تلفظ ایدلش برکله اولوب بو وضعیتده بر معنای ضعف افاده ایدر . تأسیس ایدلش اولان دولتک تأسیسی ایچون ملتک نه قدر بویوک اضطراراته تحمل ایتمش اولدیفنی همیز بیلپورز . بالخاصه بوندن دولایی مؤسس دولتک بقا واستقراری ایچون ؛ اونک تأسیسی ایچون مصروف اولمش اولان ملی اضطراراتی دائماً کوزا و کنده بولندیره رق بوتون حادثاتی بو نقطه نظر دن مطالعه ایتمک و شکل دولتک بقاسنه هر هانسی صورتله ایرات و هن ایدمک اولان هر حر کتدن احتراز ایتمک مجلس عالی بی موظف و مقید ظن ایدیورم . افندیلر ! مجلس عالی کندی آره مزده قونوشدیغمز سوز - لرك يالکیز منطقی اوزرینه قرار ویرن بر مجلس دکلدیر . مسئلهنی شو ویا بو منطقه سطحی هر هانسی بر حر کتله تلقی ایدز و لازم کلدیکی درجه ده اهمیتله تعقیب ایتمز سه کوستریم چکمز منظره ، موجودیتک ضعف و تردده معروض بولندیفی معناسنی افاده ایده بیلیر . بو تقدیرده هنوز تأسیس ایتمش اولان انکشافات مایه ، هنوز وجود بولماش اولان دیگر بر طاقم ملی قوتلر ، داخلدن دوچار ضعف اولدیفنی کبی خارجک دخی انظار حرص و طمعنی تحریک ایده بیلیر . بو نقطه نظر دن بو کون تکلیف ایدلش اولان لایحه قانونیه تک ، لایحه انجمنک مضبطه - سنده سوبیلدیکی وجهله ، همه حال رد ایدلسی دولتک منافع عالیسی اقتضاسندندر . صکره افندیلر ! بو قانون یاپیلدقن صکره تورکیا بویوک ملت مجلسی هیچ بر طرفه استقلال محکمه سی کوندرمه مشدر . یعنی استانبوله کوندر - دیکنز استقلال محکمه سی الهه موجود بولنان قانونک ایلك تطبیقندن عبارتدر .

الیاس سامی افندی (موش) - الجزیره .
 رجب بك (دوامله) - او محکمه ظن ایدرم هیچ فعالیته کچمه مشدر . یاخود خاطرهمده آلدانیورم . ایلك استقلال محکمه سی قانونی قاراکلی بر دورده مملکتک هر کوشه سندن بر آتش ظهور ایتدیکی اشناده تطبیقاته قونیلش و مملکتک وضعیتی نسبة دها ای برشکله کلدیکی کوروله رک یکی قانون تعدیلاً قبول ایدلشدی . بنده کزجه بو قانونک

تعدی ایتدیکنی ایشتم . بو مثالی اودورک و او شکک بر مثال شامتی اوله رق افاده ایشتم . باشقه ذرلو آکلاشیلما مسنی رجا ایدرم . نشمدی بو نقاطی عرض ایتدکن صورکه تکلیف مسئله سنک اصل و ماهیتنه ارجاع نظر ایدیورم . افندیلر ! شکله باقیلیرسه هر هانکی محترم بر آرقداشمزک هر زمان پایدیفنی کبی موجود بر قانونک فلان فلان ماده سنک تعدیلتی تکلیف شکل و ماهیتده بر مسئله در . فقط مسئله اصلنده مطالعه ایدیلیرسه ؛ مجلس عالیکنزک بویوک برا کثرتک قرار یله و شکل دولتک تأمین استقرارینه متوجه بر مقصدله و حیات وطنه سوء تأثیر ایتمسی احتمالی کوزه تهرک کوندردیکنز استقلال محکمه سنک ، هنوز فعالیتنی بر نتیجه اقران ایتدیرمیدی بر زمانده ، اونک اثنای انجمنده موضوع و موجود اولان بر قانونک تعدیلتی ماهیتده بر طابدن عبارتدر . بنده کزجه ، هر هانکی بر محترم آرقداشک ، هر هانکی بر تکلیف قانونیسی دیگر قوانین جاریه بی تکرار ایتمز و یا سائر معین اصولی محذور لر اولمازسه دائماً شایان مذاکره در . فقط افندیلر ! بو کون بو تکلیف قانونیک شایان مذاکره عد ایدله سنک حکمتی ، مسئله نک حیات دولته تماس نقطه سندن در . افندیلر ! بو محکمه کیدرکن دیدکله ، ضمناً دیمش بولندق که ، سزنی شو قانون موجبجه انتخاب و توظیف ایدیورز . محکمه وظیفه سنه هنوز باشلامش ایکن و هیئت حا که دن حکم ماهیتنی افاده ایدن بر نتیجه هنوز صادر اولماش ایکن - اونلرک طرز فعالیتی و ماهیتی حقنده برشی دیمک موقعنده دکلم - قانونک شو ویا بوشکنده تعدیلتی حقنده بو مجلسده بر مذاکره نک جریانی - بر قرارک قبولی دیمیورم - حتی جریانی دخی منافع عالی و وطنیه بی - بتم قناعت شخصیسه مه کوره - رنجیده ایدر . افندیلر ! دولتک اسمی ، دولتک شکلی ، دولتک قوتی موضوع بحث اولدیفنی زمان بر نقطه دن بویوک بر احتراز و توفیق ایله صاقینمق مجبوریتده اولدیغمزنی ظن ایدیورم . افندیلر ! هیئت عمومی مرکز بوتون وطنی تمثیل ایدن هیئت عمومی مرکز ، بنده دولت حقنده ، شکل دولت حقنده ، دولتک قوتی حقنده ، دولتک استقبالی حقنده تردده منظره سی کوستریم چک شو ویا بویوحنی قورجالاماسی

تدابیر بنه تعلق ایدن هر هانگی بر مسئله انجمنلرده
 قونوشولورکن ارکان حکومتک وظیفه سیدرکه او انجمنه
 کیتسین ، اوراده انضای انجمنک ، محترم اعضارک مجلسه
 تقدیم اولتیق اوزره احضار ایتدیکی حاصله مساعیدن
 خبردار اولسون . محترم اقدیلر! مجلس عالیئک انجمنلری
 وظیفه قانونیه لرنی حقیقه شایان افتخار اوله حق ، مجلس
 عالیئک بو یوکلکنه ، حسی وظیفه سنه مثال و تمثال اولاجق
 برجدیتله ایفایتمکده درلر . بوندن قطعیتله امینم و مجلس عالیئک
 شه سی اولدیغنه ده امینم . لایحه انجمنه کیدوب ده باش و کیلک
 مدافعه ایتدیکی دوشون و بوسورنله لایحه انجمن عالیسنه
 مداخله ایدلسنه امکان ولدیغنی تصور ایدن رفیق محترمه
 توصیه ایدرم . عین انجمنه برکرده کندیبری تشریف
 بو یورسونلر . لایحه انجمنی رئیسک وظیفه قانونیه بی
 ایفا خصوصنده هیچ برمداخله قبول ایتیه چکنه بالذات
 قانع اولاجقلردر . اصوله عائد اولان بو مطالعه دن سوکره
 اساسه تعلق ایدن ، موضوع بحث اولان بوزمینه عائد
 حکومتک نقطه نظرنی افاده ایتک ایسترم . محترم اقدیلر!
 استانبوله استقلال محکمه سی کوندرلمه سی ، بو یوک ملت
 مجلسک احضار و اعلان ایتدیکی قانون ، و جنجه حکومتک
 کونتردیکی لزوم اوزرینه مجلس عالیجه تئسیب ایدلمشدی .
 حکومت بر وضعیتنی حل ایتک ایچون تصور ایتدیکی تدابیری
 بو یوک ملت مجلسک قانونلری ایچنده آرادنی وار قانون
 ایچنده بولدیغنی تدبیری مجلس عالی به تکلیف ایلدی .
 تدبیر اولارق بولدیغمز قانون بو یوک ملت مجلسک اولجه قبول
 ایتدیکی ، ملته اعلان ایتدیکی ستون وطنداش لرجه معلوم اولان
 بر قانوندر . بو قانون هیئت عمومی سیله برکلدر . بو کلنی کرک
 اساسندن و کرک تقراتندن تعدیل ایتک موضوع بحث اولدیغنی
 تقدیرده اکر بو تعدیل جریان ایچنده بولان بر تدبیره
 تعلق ایدیورسه حکومتک تکلیفی اساس اعتبارله
 رد اولمش دیگدر . مجلس عالی دون نظر دقته آلدیغنی
 حکومتک تکلیفی بو کون قبول ایتک یارد ایتک زمینغی
 یکیدن مذاکره ایدیور وضعیتنه صوقدیرلمشدر .
 بو خصوصده فکرمی ، وظیفهم اولدیغنی اوزره ، اعتماد
 ایدنیمکه چالیشدیغ اوزره ، کمال وضوحله مواجهه ملتده

موقع فعالیتیله قلمسنی مستلزم اولان وضعیت هنوز کجه .
 مشدر اقدیلر . کچمدیکی اثبات ایدن یکانه حقیقت
 استانبوله بعض محدود غزته لک ؛ نتیجه قرار و حکم
 عدلی اوزرنده هیچ بر فکر درمیان ایتپورم . اوندن
 ما هم اوله رق بر شی عرض ایتپورم . استانبوله
 بعض غزته لک و یابر ایکی غزته نک ، شکل دولتک روحیه
 تعارض ایده جک ماهیتده قانونلر غزته لک خارچنده شوویا بوذاته
 نفوذ ویرلمسی لهند مقاله لر یازدیغیدر . بناء علیه ؛ بومسئله
 اثبات ایدرکه هنوز تأسیس ایدلمش اولان دولتک بقا
 واستقراری ایچون بو قانونک بوتون احکامنی تحت محافظه ده
 بولندیرمق مجبوریتندیز . بو صدد ، بوروب اوزرنده
 ده افضله سوز سوبله مک قانونک اساسنه کچمک دیمک
 اولدیغنی ایچون بنده کز اوندن صرف نظر ایدیورم .
 یالکیز بر نقطه بی ایضاح ایده حکم . استقلال محکمه لری
 مملکتتمزک بوتون ، آفاقندن هر هانگی بر آفات
 سیاسیه ظهوری احتمالی کلیاً و کلیاً منافع اولدیغی بز بو
 قانونی دائماً المزده دولتک حیثانه قارشنی تعرض ایده چکلره
 قارشنی لزومنده قولالاینله حق بر سلاح اوله رق طومتق
 مجبوریتندیز . نتیجه معروضات اوله رق لایحه انجمنی
 مضبطه سنک قبولنی تکلیف ایدیورم .

باش وکیل عصمت پاشا — محترم اقدیلر! مذاکرات
 اثناسنده عاجزلرینک لایحه انجمنه کیدوب مداخله ایتدیکم
 موضوع بحث اولمشدر . بو نقطه اوزرنده بیان مطالعه
 مجبوریتندیم . وکیلر ، اعضای مجلسدن انتخاب ایدیلر .
 اعضای مجلسک حقوقی ، وکیلر اوزرنده ده تماماً موجوددر .
 اعضای مجلسدن هر بری شعبه و انجمنلره مراجعت ایدرک
 ایتدیکی اوراقه ، وثائقه اوراده کسب اطلاع و ایتدیکی
 انجمنلر مذاکراتنی استماع و معلومات قیلندن اوله رق
 مطالعاتنی درمیان ایده بیلیر . بو احتیاج ایتدیکمز قانون
 مقتضاسیدر . بو قانون ملاطیه مبعوثی اولان باش وکیلی منتخبلرک
 کندیسنه ویرمش اولدیغنی حقوق سیاسیه و وظیفه سیاسی
 ایفا ایتکدن منع ایتک قدرتندمه اولدیغنه انجمنلره کیدوب
 نظامنامه داخلینک بر مبعوثه ویردیکی حقوق استعمال
 ایتکدن منع ایده مز . دیگر نقطه نظرندن حکومتک

افاده ایتمک ایسترم محترم افندیلر! اداره دولتده عدالتی بوتون وطنداشملر ایچون مساوات اوزره آریورز . آناطولینک هر هانکی رچفتجیسی حقننده قابل تطبیق اولان قانونک مملکتک الیوکسک عدولنه بیله جک ، هر هانکی نقطه بر نظردن یوکسک عدولنه بیله جک دیگر افندیسی حقننده عین مساوات ایله عین جدیت ، عین عدالت و شدتله قابل تطبیق اولماسنه دقت ایدیورز . افندیلر ! سنه لر دبری استقلال محکمه سنی بر تدبیر وطنی اولق اوزره بیوک ملت مجلسی استعمال ایندی . کونا کون مشاق و مزاح ایچروسننده کیجه و کوندوز ، کونلرجه پیرانان جبهه ده کی ضابطلر ، نقرلر ، قوماندانلر ، و مملکتده اولادینی کوندرن ، خزینه بی مکلفیتله طولدیران و آلتش یاشننده طوپراغنی سوروب عائله سی کچندیرن وطنداشملر ، تورکلردی ایجاب بر قانون ایله تحت محاکمه آندی . اوزمان بیوک ملت مجلسی بونی بر تدبیر اولارق قبول ایدرکن رایکی افندی ویا ملک ویا آرقداشی ، شونک بونک آرقداشی دیبه بویله راساسی تغییر ایتمکی موضوع بحث ایده مزنی . مجلس عالی نیک شعار عدالتنه و بردوانک اساتانه صراحته مغایردر . (براوو صدالری ، آفیشلر) سواقده بولنان ، سواقه جیقیدیمز زمان ایلمک راستکلن آرقداش ایقاع ایده جکی هر هانکی بر جرمدن طولایی هانکی اصول و قانونه و هانکی محکمه ایله فصل محاکمه اولنه جغنی بیلمک لازمدر . بونی بیلمزسه او وطنداش ایچون امنیت یوقدر . و اداره دولتده مسئولیت آلمه کیسه نیک جسارتی یوقدر . سواقده راست کلدیکمز وطنداش بیچاره و فقیر ایسه اوزمان شدید قانونلره مروضدر . اگر بویچاره دکلده هر هانکی بر واسطه یه مالک بر آرقداش ایسه حتی محاکمه نیک انشای جریاننده باشقه بر اصول ، باشقه بر تدبیر موضوع بحث اوله بیلیر . بویله بر احتمال مجلس عالی اصلا مساعده ایده مزنی . خلاصه معروضات اوله رق کوستردیکمز لزوم اوزرینه مجلس عالی نیک قبول ایتمکی بر تدبیر ، او تدبیرک انشای تطبیقنده تعدیل اولنورسه بزم کوستردیکمز لزوم و بزم انخساز ایتمدیکمز قرار قابل تطبیق اولمقدن بیچاره ایکنجیسی ؛ اگر وطنداشملرک انشای محاکمه سنده له و علمنده وبالخاصه

موضوع بحث اولان استانبول محکمه سی کی موقع خصوصیی اعتباریله بوتون دنیا نیک بیلدیکی اشکال و مناظر ایچنده لهرینه تعدیل ایتمک صورتیله بر تعدیل بایلیرسه مملکتده اهالی ایچون باشقه ، افندی ایچون باشقه عدالت و قانون جاری اولدینی کی بر ذهنیت حاصل اولور . بویله بر ذهنیت مملکتک آسایشی و بنیانی تخریب ایچون فوق العاده مؤثر بر سلاحدر . مجلس عالی نیک بوتون مملکتی عین پرئسیدلر اوزرنده ، عین شفقت و علاقه ایله اداره ایتمدیکنه صمیماً و وجداناً معتقدم . اونک ایچون موضوع بحث اولان تکلیفک رد اولنه جغنی امید ایدیورم . مطالباتم شو نقطه ده درکه اگر موضوع بحث اولان مسئله ده موقع تطبیقده اولان قانونی تعدیل ایتمک صورتیله عدالت ذهنیتنده فرق کوستریرسه ک تورکیاده زید ایچون آیری ، عمر و ایچون آیری ، بک ایچون آیری ، افندی ایچون آیری عدالت پرئسیدلری جاری اولق اوزره حکومت اوزرنده مسئولیتی درعهده ایده مم . مواحهته ملتنده عرض ایدیورم (براوو سسلاری) آناطولینک هر هانکی بر کوینده هر هانکی بر فقیری ایچون قانون نه دورته جاری اوله جقسه استانبولک هر هانکی بر بکی ویا پاشاسی ایچون قانون عین صورتله جاری اوله جقدر . بوضورتله مسئولیتی درعهده ایده بیلیرز . بومعروضاتی بتیرکن بر نقله بی افاده ایتمک ایسترم . محکمه یه تودیع اولنان هر هانکی بر مجرمک ویا مظنونک لهنده ویا علمنده هیچ بروضیت آلامقله مکلفز و آله جغز . موضوع بحث اولان استقلال محکمه سنده محاکمه اولونه جق ذوات ایچون تمی ایدرم که بر انشای اثبات آتسونلر . محکمه یه قناعت کلسون تبریه نفس ایتمولر . بوندن الزیاده ممنون اوله جق نم .

ریاست جلیله یه

۳۹-۱۲-۲۴
مذاکره کافیدر . لایحه انجمنی مضبوطه سنک رایه
قرونومنی تکلیف ایده رز .
ازمیر
محمود جلال
منشا
یونس نادى

ریاست جلیله به

۳۹-۱۲-۲۴

مذاکره کافیدر . استقلال محاکمی قانونتک بشنچی ماده سنک تعدیلنی متضمن اولوب لایحه انجمنتجه ردی تکلیف اولنان لایحه قانونیه به عائد مضبطه تک رایه وضعیه روزنامه به کچلمستی عرض ایدرم . ایزمیت ابراهیم

ریاست جلیله به

۳۹-۱۲-۲۴

مذاکره کافیدر . لایحه انجمنتک مضبطه سنک رایه قونولسنی تکلیف ایلرم . العزیز حسین

رئیس - اول امرده مذاکره تک کفایتی رایه وضع ایده حکم .

فریدون فکری تک (درس) - برتقریریمز وار . رئیس - مذاکره تک کافی کورنر لطفاً ال قالدیرسون . [کافی سسلری] عکسینی رایه وضع ایدیورم . قبول ایتیمینر لطفاً ال قالدیرسون . مذاکره کافی کورلشدیر ائدم . ائدم لایحه انجمنندن کن مضبطه تک تعیین اسامی ایله رایه قونولسنه دائر ایکی تقریر وارد .

ریاست جلیله به

۳۹-۱۲-۲۴

استقلال محاکمی قانونتک بشنچی ماده سنک تعدیلنه دائر اولان تکلیف قانونتک وشایان مذاکره اولمادیغنه دائر لایحه انجمنتک مضبطه سنک تعیین استنامی ایله رایه وضعی تکلیف ایلرز .

کوتاهبه	استانبول	منتشا	زونغولداق
م . راغب	علی رضا	یونس نادى	راغب
موش	ماردین	ماردین	قره حصار شرقی
الیاس سامی	عبدالرزاق	نجیب	علی سروری
کوتاهبه	آطنه	استانبول	اسپارطه
محمدنوری	ضمیر	سلیمان سری	حسین حسینی
لازستان	زونغولداق	ارغنی	قیصری
رؤف	طونلی حلهنی	کاظم	ثابت

ریاست جلیله به

ارضروم مبعوثی جازم افندی ورفقاسنک تکلیفی شایان مذاکره در . بو بایده لایحه انجمنی مضبطه سی دوغرو دکلدیر . مذکور مضبطه بی ردک تعیین اسامی ایله رایه قونولسنی طلب ایلرز .

وان ارضروم درسم محمدنیر حالت فریدون فکری

قسطنونی درسم قونیه بازید ارضروم

محمد احمدشکری نعیم جازم شفیق جازم

ازیر جایک اسکیشهر بازید ارغنی

رحمی جاوید محمدعارف سلیمان سودی کاظم وهبی

ملاطیه قره سی ارزنجان اورفه اردو

رشید حیدر عادل ثابت علی فیضی فائق

رئیس - تعیین اسامی تکلیف لری او قونودی ائدم .

لایحه انجمنی مضبطه سی معلوم عالیکز تکلیف قانونتک ردینی متضمندر . بو مضبطه تک تعیین اسامی ایله رایه وضعنه دائر ایکی تکلیف وارد . بناء علیه تعیین اسامی ایله رایه عالیکزه وضع ایده حکم . لایحه انجمنتک مضبطه سنک ردی ایله ارضروم مبعوثی جازم افندی ورفقاسنک تکلیفی قبول ایدنلر . .

فریدون فکری (درس) - رئیس تک قاریشدی !

مسئله تک توضح ایتهمی لازمدر . مسئله غایت مهمدر .

رئیس - ائدم ! مسئله تک توضح ایتهمی لازمدر .

بینه کزده بو فکردهیم . یالکز ذات عالیکز مضبطه تک

ردینی متضمن تکلیف وریورسکنز . اگر بسیط اولهیدی

مسئله تک تعیین اسامی ایله رایه قومسی موضوع بحث

دکلدی . شمدی ائدم ! مضبطه بی قبول ایدنلر تکلیف

قانونی بی رد ایتهم اولاجقلردر . بناء علیه آرزو بو یورسه کز

شو صورتله رایه قویهیم . مضبطه بی قبول ایدنلر بیاض

رای ورفقه سی ویرسونلر ، مضبطه بی رد ایدنلر قیرمزی

ویرسونلر . بناء علیه لایحه انجمنتک مضبطه سی رای

عالیکزه وضع ایده حکم . مضبطه بی قبول ایدنلر یعنی

تکلیف قانونی بی رد ایدنلر بیاض ، مضبطه بی رد ایدنلر

یعنی تکلیف قانونی بی قبول ایدنلر قیرمزی رای ورفقه سی

هیئت عمومیہ تک نظر تصویبہ عرض اولتور .

تور کیا بویوک ملت مجلسی رئیس نامہ

محمد صبری

تاریخ
راہورینہ مستند

- دوقتور کاظم بک (دکزلی) ۲۵ کون
- کاظم وہبی (ارغنی) ۲۵ »
- ساح رفعت (بیغا) بریحق آی
- علی رضا (موش) » »
- فؤاد (لازستان) » »
- مصطفی (ایزمیت) » »

[۴ کانون اول ۳۹ دن اعتباراً]

- محمد وصنی (بولی) بریحق آی
- احمد ساقی (آنطالیہ) » »

[۳ کانون اول ۳۹ دن اعتباراً]

- توفیق (ایچ ایبل) بریحق آی
- دوقتور خالد (قیصری) » »
- احمد حامی (قیصری) » »

رئیس — افندہ ! دیوان ریاستک قراری و حمله
اعضادن اسملری او قونان ذواتک ، اسملری حداسندہ
کوس تریلن مدتلہ ماذونیتلری قبول بویوران رفقا لطفاً ال
قالدیرسون ! عکسفی رأیہ وضع اییدیورم . قبول ایتمہ یئیلر
لطفاً ال قالدیرسون ! قبول ایدلشدر افندم .

هیئت عمومیہ

استحصال اییدی بریحق آیلق ماذونیتک ، راحتسزلقنہ
مبئی بر آی دھا تمیدی حقنسدہ لازستان مبعوثی اسعد
بکک ، صورت مصدقہ سی مربوط تقریری وطیب راپوری
۲۲ - ۱۲ - ۳۳۹ تاریخلی اون بشنجی دیوان ریاستجہ
لدی الذکر ، کیفیتک تصویباً ہیئت عمومیہ یه عرضی تنسیب
ایدلشدر افندم .

تور کیا بویوک ملت مجلسی رئیس نامہ

محمد صبری

رئیس — لازستان مبعوثی اسعد بکک راحتسزلقنہ
مبئی استحصال اییدی بریحق آی ماذونیتک ضمیمہ بر آی دھا
تمیدینی دیوان ریاست ہیئت جلیلیہ یه عرضہ قرار ویرمشدر .
بونی قبول ایدنلر لطفاً ال قالدیرسون ! عکسفی رأیہ

ویرہ جکاردر . (تمام سسلری) افندم ! تکرار اییدیورم .
لایحه انجمنک مضبوطہ سی قبول ایدنلر بیاض ، رد ایدنلر
قیصری ویرہ جکاردر . مساعده بویوررسہ کز رأی
طوبلا نیرکنر طرفندنہ اوراق واردینی اوقویالم .

۸ — مأمورین ملکیتک تقاعدینہ دائر اولان
قانون ایله عسکری تقاعد واستمفا قانونندہ محرر جزو دان
بدلاتک تعدیلی حقندہ ۱/۸ نومرولی لایحه قانونیہ وقوانین
وموازنہ مالیه انجمنلری مضبوطلری ؛ روزنامہ یه آلدی .

تقریرلر

۹ — موندروس متارکسفی متعاقب از میردن استانبولہ
حرکت ایدن سزای نور واپورینک عاقبتی حکومت رسماً
اعلان ایتمدیکندن مغروقین وارثلریک حقوق شرعیہ
وقانونیہ لرندن استفادہ ایدمہ مکندہ اولدقلرینہ و کیفیتک
تحقیق واعلانی تمینانہ دائر قرہ سی مبعوثی احمد ثریا بک
ورفقا سنک تقریری واردر . باش وکالتہ تودیع اییدیوروز .

۱۰ — فراری وبقایا وقرزس مکتومہ اربانک
عقوی حقندہ کی ۱۸ تشرین اول ۳۹ تاریخلی قانونک برنجی
مادہ سنک تفسیرینہ دائر بوزاق مبعوثی احمد حدی بکک
بر تقریری واردر ، مدافعه ملیہ انجمنتہ حوالہ اییدیوروز .

۱۱ — داخلیه انجمنندہ بولنان (کوی اداره سی
قانونی) تکلیفیلہ بودقمہ حکومتدن کلن (کوی قانونی
لایحه سنک توجیداً مذاکرہ سی تمینانہ دائر زونفولداق
مبعوثی طونہ لی حلمی بکک تقریری واردر . داخلیه انجمنتہ
تودیع اییدیوروز .

دیوان ریاست قرارلری

۱۲ — اعضای کرامدن بعض ذواتہ ماذونیت اعطاسی
ومدت ماذونیتلری تجاواز ایتمدنلرک معاملہ محسوسہ لرینک
اجراسی حقندہ دیوان ریاست قرارلری واردر . اوقونہ جقدر .

هیئت عمومیہ

آئیدہ اسامیسی محرر اعضای کرامک ، حدالزیدہ
محرر مدتلرله ماذون عدلری دیوان ریاستک ۲۲ - ۱۲ - ۳۹
تاریخلی اون بشنجی اجتماعندہ تنسیب ایدلش اولقلہ

مصدقہ سی مربوط تقریری و طبیب راپوری ۲۲-۱۲-۳۹
تاریخی اون بشنچی دیوان ریاستہ لہدی التذقیق ،
مومی الہک ہفتہ لاق مآذونیتندن ، عودتندہ تجاوز ایتدیر۔
دیکی اون کونک مآذونیت قانونیہ سندن محسوبی مناسب
کورولمکہ ہیئت عمومیہ نک نظر تصویبہ عرض اولنور
افندم .

تورکیا بویوک ملت مجلسی رئیس نامہ
محمد صبری

رئیس - قرہ حصار مبعوثی عزت علوی بک خستہ آغندن
دولای تجاوز ایتدیر دیکی اون کونک مدت قانونیہ سندن
محسوبی قبول ایدنلر لطفاً ال قالدیرسون ! عکسنی رأیہ
وضع ایدیورم . قبول ایتہینلر لطفاً ال قالدیرسون ! عزت
علوی بک اون کون مآذونیتی قبول ایدلشدر .

هیئت عمومیہ

۴ تشرین ثانی ۳۹ تاریخندہ استحصالی ایلدیکی ہفتہ لاق
مآذونیتی ۴ کون تجاوز ایتدیرن توقاد مبعوثی امین بکک
ہفتہ لاق مآذونیتی دہ داخل اولدینی حالہ استعمال ایلدیکی
۱۲ کونک مآذونیت قانونیہ سندن محسوبی ۲۲-۱۲-۳۹
تاریخی اون بشنچی دیوان ریاستہ تنسیب ایدلش اولمقلہ
ہیئت عمومیہ عرض اولنور افندم .

تورکیا بویوک ملت مجلسی رئیس نامہ
محمد صبری

رئیس - افندم ! توقاد مبعوثی امین بک استحصالی
ایلدیکی ہفتہ لاق مآذونیتندن درت کون تجاوز ایتدیرمشدر .
امین بکک بودرت کونلہ برابر ہفتہ لاق مآذونیتنک دخی
مدت قانونیہ سندن محسوب ایدلسنی قبول ایدنلر لطفاً
ال قالدیرسون ! عکسنی رأیہ وضع ایدیورم . قبول
ایتہینلر لطفاً ال قالدیرسون ! قبول ایدلشدر افندم .

هیئت عمومیہ

۲۴ کانون اول ۳۹

کیرہسون مبعوثی ہاجم محی الدین بکک ، صورت
مصدقہ سی مربوط تقریری و طبیب راپوری ۲۲-۱۲-۳۹
تاریخی اون بشنچی دیوان ریاست اجتماعندہ لہدی المذاکرہ
مومی الہک مآذونیت قانونیہ سنی استعمالدن سوکرہ ۲۶

وضع ایدیورم . قبول ایتہینلر لطفاً ال قالدیرسون !
اسعد بکک ضمیمہ برآی دہا مآذونیتی قبول ایدلشدر .
ہیئت عمومیہ

ہفتہ لاق مآذونیتی بش کون تجاوز ایتدیرن قونپہ
مبعوثی فؤاد بکک ہفتہ لاق مآذونیتی دہ داخل اولدینی
حالہ استعمال ایلدیکی اون اوج کونک مآذونیت قانونیہ سندن
محسوبی ۲۲-۱۲-۳۹ تاریخی اون بشنچی دیوان
ریاستہ تنسیب ایدلش اولمقلہ ہیئت عمومیہ عرض
اولنور افندم .

تورکیا بویوک ملت مجلسی رئیس نامہ
محمد صبری

رئیس - افندم ! قونپہ مبعوثی فؤاد بکک استحصالی
ایتدیکی برہفتہ لاق مآذونیتی بش کون تجاوز ایتدیردیکنندن
دولای جمعی بکون اون اوج کونک مدت قانونیہ سندن محسوبی
قبول ایدنلر لطفاً ال قالدیرسون ! عکسنی رأیہ وضع
ایدہ حکم . قبول ایتہینلر لطفاً ال قالدیرسون ! قبول
ایدلشدر افندم .

هیئت عمومیہ

ہفتہ لاق مآذونیتی تجاوز ایتدیرن سیواس مبعوثی
معمربکک صورت مصدقہ سی مربوط طبیب راپوری
۲۲-۱۲-۳۹ تاریخی اون بشنچی دیوان ریاستہ لہدی التذکر
مومی الہک راحتسنلری حسیلہ تجاوز ایتدیردیکی یکرمی
آتی کونک مآذونیت قانونیہ سندن محسوبی تنسیب
ایدلکہ ہیئت عمومیہ نک نظر تصویبہ عرض اولنور .
تورکیا بویوک ملت مجلسی رئیس نامہ

محمد صبری

رئیس - افندم ! سیواس مبعوثی معمربکک راحتسنلر
مبئی تجاوز ایتدیردیکی یکرمی آتی کونک مآذونیت
قانونیہ سندن محسوب ایدلک اوزرہ بومدتلہ ، مآذونیتی قبول
ایدنلر لطفاً ال قالدیرسون ! عکسنی رأیہ وضع ایدیورم .
قبول ایتہینلر لطفاً ال قالدیرسون ! معمربکک یکرمی
آتی کون مآذونیتی قبول ایدلشدر .

هیئت عمومیہ

۲۴ - ۱۲ - ۳۳۹

قرہ حصار صاحب مبعوثی عزت علوی بکک صورت

مدتک خسته لغندن ایلری کلدیکنه دأر برده راپور واردر . بو مدتله مآزون عدايدلمسنى قبول بوپورانلر لطفآل قالدیرسون ! عکسنی رأیه وضع ایدیورم . قبول ایتمینلر لطفآل قالدیرسون ! قبول ایدلمشدر ائندم . ائندم ! هنوز اینی استعمال ایتمین رفقاوارسه لطفآل ایلری ویرسونلر ! استحصال آرا ختام بولمشدر ائندم . ائندم ! روزنامه مزده نافع و داخلیه و کیلارندن صورولان سؤالره جوابلر واردر ، بونک مذاکره سنی آرزو ایدیورلر . (وقت کچدی سمساری) بعض رفقاوقت کچدیکنی ایلری سورییورلر . مساعده بوپورسه کز چهارشنبه کونی عین ساعتده مذاکره سنی اجرا ایتک اوزره تأخیر ایدلم .

ائندم استقلال محکمه سنی قانونک تعدیلی حقنده کی تکلیف ردی متضمن لایحه انجمنی مضبوطه سنی حقنده طویلانان آرانک نتیجه سنی عرض ایدیورم . یوز قبول ، اوتوز بر رد ، درت مستکف واردر . رأیه اشتراک ایدن ذواتک عددی یوز اوتوز بشدر . بناء علیه معامله تمام دکادر . بردفعه ده رأی عالیترینه وضع ایده حکم . چهارشنبه کونی عین روزنامه ایله ساعت بر یچقده مذاکره باشلامق اوزره جلسه نی تعطیل ایدیورم .

ختام مذاکرات

دقیقه ۲۰
ساعت ۵

کون تجاواز ایتدیردیکی آکلاشیلیمش اولقله کیفیتک تصویباً هیئت عمومیه عرضی تنسیب ایدلمشدر ائندم .

تورکیا بونک ملت مجلسی رئیس نامنه

محمد صبری

رئیس — کیره سون مبعوثی حاجم محی الدین بک مآذونیت قانونیه سنی یکریمی آلتی کون تجاواز ایتدیرمشدر . خسته اولدیغنه دأر برده راپوری واردر . بوتجاواز ایتدیردیکی یکریمی کونک مدتی مآزون عدايدنلر لطفآل ال قالدیرسون ! عکسنی رأیه وضع ایدیورم . قبول ایتمینلر لطفآل قالدیرسون ! قبول ایدلمشدر .

۳۹-۱۲-۲۴

هیئت عمومیه

هفته لقی مآذونیتی بدی کون تجاواز ایتدیرن لازستان مبعوثی رؤف بک ، صورت مصدقه سنی مربوط طیب راپوری ۳۹-۱۲-۲۲ تاریخلی اوز بشنجی دیوان ریاست اجتماعنده تدقیق و مومی الیهک تجاواز ایتدیردیکی بدی کون ایچون دخی مآزون عدی تنسیب ایدلمش اولقله هیئت عمومیه عرض اولتور ائندم .

بویوک ملت مجلسی رئیس نامنه

محمد صبری

رئیس — بر هفته لقی مآذونیتی بر هفته تجاواز ایتدیرمش اولان لازستان مبعوثی رؤف بک بوتجاواز

استقلال محکمه لری قانونک بشنجی ماده سنک تعدیلنه دأر اضرورم مبعوثی حازم ائندی ایله رفقا سنک

تکلیف قانونسنک ردی حقنده کی لایحه انجمنی مضبوطه سنه دأر نتیجه آرا

رأیه اشتراک ایدنلر : ۱۳۵

قبول ایدنلر : ۱۰۰

رد ایدنلر : ۳۱

مستکفلر : ۴

قبول ایدیلر

آقهر :	احسان بک	آردهان :	خالد پاشا ، طلعت بک
آیدین :	تحسین بک ، دوكتور مظفر بک ، ذکای بک	آطنه :	ضمیر بک ، کال بک
اردو :	حمدی بک	آقسرائی :	نشئت بک
ارطغرل :	دوكتور فکرت بک ، راسم بک	آماسیه :	اسمد بک ، نافذ بک
ارغنی :	کاظم بک	آ نطالیه :	راسخ ائندی

ازمیر	: شكري بك ، محمود جلال بك ، مصطفي نجاتي بك ، عنان زاده جمدي بك	طرزوزون	: حسين حسيني بك ، سليمان سري افندي ، احمد مختار بك ، عبدالله بك
اسپارطه	: حسين حسني افندي	غازي عيتاب	: حافظ شاهين افندي ، فريد بك ، قلاج علي بك
استانبول	: حمدالله صبحي بك ، سليمان سري بك ، علي رضا بك ، علي فتحي بك ، يوسف بك	قرق كليسا	: دوكتور فؤاد بك
العزيز	: حسين بك ، محي الدين بك ، مصطفي بك	قره سي	: كاظم پاشا
ايزميت	: ابراهيم بك ، ابراهيم ثريا بك ، صفوت بك	قره حصار شرق	: علي سروري افندي
بايزيد	: سليمان سودي بك	قره حصار صاحب	: روشن اشرف بك ، عزت علوي بك ، علي بك ، موسي كاظم بك
بتليس	: رسول بك	قسطنوني	: حسن فهمي افندي ، علي رضا بك
بروسه	: مصطفي فهمي افندي	قويه	: ايوب صبري افندي ، مصطفي افندي
بوزاق	: جمدي بك ، صالح بك	قيرشهر	: محبوب افندي
بولي	: جواد عباس بك ، دوكتور امين جمال بك ، شكري بك	كاييولي	: جلال نوري بك
توقاد	: امين بك ، مصطفي وصفي بك	كوشخانه	: حسن فهمي بك
چوروم	: اسماعيل كال بك ، دوكتور مصطفي بك	كشغري	: رفعت بك ، طلعت بك
درسه	: شكري بك	كوياهي	: احمد فرديك ، راغب بك ، محمد رجب بك ، نوري بك
دكزلي	: دوكتور كاظم بك ، نجيب علي بك ، يوسف بك	كيره سون	: موسي كاظم بك
دياربكر	: فضي بك	ماردين	: درويش بك ، نجيب بك ، يعقوب قدري بك
زونفولداق	: راغب بك ، طونه لي حليمي بك	ملاطيه	: دوكتور حاجي بك ، رشيد آغا ، محمود نديم بك
ريزه	: اكرم بك ، رؤف بك	مينتشا	: يونس نادى بك
سمرد	: خليل خالق افندي ، محمد بك	موش	: حاجي الياس سامي افندي ، رضا بك ، عثمان قدري بك
سيواس	: راسم بك	نيكده	: غالب بك
سيوهرك	: جودي پاشا ، قدري احمد بك	وان	: ابراهيم بك ، حقي بك ، منيب بك

ردا بدنگر

ادرنه	: حسين رفقي بك ، فائق بك	درسه	: فريدون فكري بك
اردو	: فائق بك	سيواس	: رحيمي بك
ارضروم	: حالت بك ، حازم افندي ، رشدي پاشا ، ضيا بك ، منير خسرو بك	ساروخان	: حاجي ادمم بك
ارغني	: احسان بك	طرزوزون	: رحيمي بك
اسپارطه	: مكرم بك	قره سي	: احمد ثريا بك ، حيدر عادل بك ، عثمان نيازي بك ، محمد بك ، محمد وهي بك
استانبول	: اسماعيل جانبوات بك	قسطنوني	: خالد بك
اسكيشهر	: عارف بك	قويه	: موسي كاظم افندي ، نيم حازم افندي
ايچ ايل	: حافظ امين افندي	قيصري	: دوكتور خالد بك
چتالجه	: شاكر بك	كوشخانه	: ذكي بك
چوروم	: منير بك	مرسين	: بسيم بك
		مرعش	: حاجي محمد افندي

مستنك قنر

قوزان	: علي شادي بك	ماردين	: عبدالغني بك
كيره سون	: هاجم محي الدين بك	نيكده	: خالد بك

تصححات

صحيحه ستون	سطر	ياكلش	دوغري	صحيحه ستون	سطر	ياكلش	دوغرو
۴۰۹	۲	۱۳	ايسه ده ، ايسه ،	۴۰۹	۲	۲۸	مع الكم والكيفيه
۴۰۹	۲	۱۴	مع الاسف ، فضله در ،	۴۰۹	۲	۲۱	كيفي جيقان ر جيقان
۴۰۹	۲	۱۵	استناد ايتدكاري كدكاري كم اولان كدكاري مع الاسف	۴۰۹	۲	۲۴	تمش اوچنجه اجماع روزنامه مذاكراتك تاريخي ۲۲ دكل ۲۴ اوله حقد ر .



آقره : تورکيا بويوك ملت مجلسي مطبعهسى

- ۲۶ — احتیاط ضابطانیدن آرزو ابدنلرك صنف موظفه نظری حقتده
درسم مبعوثی فریدون فکری بکک $\frac{۲}{۱۲۸}$ نومرولی تکلیف قانونیسنک روینه دائر
مدافعه مایه انجمنی مضطهسی
- ۲۷ — ولایات بلدیہ قانونک ۳۸ و ۴۰ نجی ماده لرینک تفسیرینه دائر
 $\frac{۴}{۱۵۰}$ نومرولی تذکره وداخلیه انجمنی مضطهسی
- ۲۸ — یوزغاد مبعوثی سلیمان سری بکک اشخاص مطلوبانک تحصیل
حقتده قبول ایدیلن تقریرینک نه صورتله تطبیق اولنه حقتده دائر $\frac{۲}{۳۳}$ نومرولی
باش وکالتدن مورود تذکره وقوانین مایه انجمنی مضطهسی
- ۲۹ — دینه مقابل خزینہ نامنه تفوض اولنان املاکک دین تسویه
ایدلیکی تقدیرده اعشار نظامنامه سننه قیاساً اعادهسی جائز اولوب اولمادیقنک
تفسیرینه دائر $\frac{۲}{۳۳}$ نومرولی مایه وکالتدن مورود تذکره وقوانین مایه انجمنی
مضطهسی
- ۳۰ — افراد عسکریه سندآنه بول الصاق ایدیوب ایدیبه چکنک تفسیرینه
دائر $\frac{۲}{۸۸}$ نومرولی اجرا وکیلاری ریاستندن مورود تذکره وقوانین مایه
انجمنی مضطهسی
- ۳۱ — عسکری تقاعد قانونک ۳۸ نجی ماده سنک تمدیانہ دائر $\frac{۱}{۳۳}$
نومرولی لایحه قانونیه وموازنه مایه انجمنی مضطهسی [مستمجلیت قراری وارددر]
- ۳۲ — مأموریت موقته ایله کوندزیلن مأمورلک عائله خراج لرینک
صورت اعطاسی حقتده کی قانونک تفسیرینه دائر $\frac{۱}{۳۳}$ نومرولی داخلیه وکالتندن
مورود تذکره وقوانین مایه وموازنه مایه انجمنی مضطهسی
- ۳۳ — مأمورین ملکینک قاعدینه دائر اولان قانون ایله عسکری تقاعد
واستمنافا قانوننده محرر جزو دان بدلاتنک تبدیلی حقتده $\frac{۱}{۸}$ نومرولی لایحه
قانونیه وقوانین وموازنه مایه انجمنی مضطهسی